

S P E C I M E N M E D I C U M  
I N A U G U R A L E,

D E

# ANIMI PATHEMATUM

V I   E T   M O D O   A G E N D I

I N   I N D U C E N D I S   V E L   C U R A N D I S   M O R B I S ,

Q U O D ,

A N N U E N T E   S U M M O   N U M I N E ,

*Ex Autoritate MAGNIFICI RECTORIS,*

D A V I D I S   R U H N K E N I I ,

HISTORIARUM ET ELOQUENTIÆ IN ACAD.  
LUGD. BAT. PROFESSORIS ORDINARII,

N E C   N O N

*Amplissimi SENATUS ACADEMICI Consensu, &*

*Nobilissimæ FACULTATIS MEDICÆ Decreto ,*

P R O   G R A D U   D O C T O R A T U S ,

Summisque in MEDICINA Honoribus, & Privilegiis  
rite ac legitime consequendis ,

*Eruditorum Examini submittit*

T H O M A S   C O G A N ,

A N G L O - B R I T A N N U S .

*Ad diem xx. Februarii MDCCCLXVII. H. x. L. S.*

---

Nihil affirmo, nihilque ab ullo credi velim, nisi quod ipsi evidens &  
invicta ratio persuadebit.

CARTES. princip. part. 4. artic. 207.

---

L U G D U N I   B A T A V O R U M ,

Apud THEODORUM HAAK, 1767.

Non solum corporis conditio scrutanda, sed ipsius quoque An-  
mi indoles perquirenda, & quibus morbis is laborat, con-  
siderandum.

HOFF. med. rat. Tom. 3.

V I R O

P R A E C L A R I S S I M O

E T

S P E C T A T I S S I M O

O A N N I W A T H E N,

C H I R U R G O L O N D I N E N S I D E X T E R R I M O ,

F E L I C I S S I M O :

A N I M I B E N E V O L E N T I A ,

M O R U M S U A V I T A T E ,

V I T Æ I N T E G R I T A T E ,

O R N A T I S S I M O .

E T

O B S I N G U L A R E M , Q U O M E A M P L E X U S

E S T , F A V O R E M

P L U R I M U M C O L E N D O .

N E C

NEC NON

VIRIS

NOBILISSIMIS, PERITISSIMIS,

SUIS IN ARTE MEDICA

PRAECEPTORIBUS

OB DOCTRINAM SOLIDIOREM

QUAM ME DOCUERUNT,

ET OB

BENEFICIA IN ME BENIGNITER COLLATA,


GRATISSIMI ANIMI MONUMENTUM

HAS STUDIORUM PRIMITIAS

D. D. D.

AUCTOR.

D. D. D.



## PRO OE M I U M.

**I**nter tam multas & diversas contemplationis materias, quæ scrutationem Medicorum provocant, sæpe miratus sum, neminem nobis Hypothesin aliquam, de Animi Pathematum & modo agendi in Morbis inducendis vel sanandis, libuc tradidisse. Hæc certissimè non parvi sunt momen- ; vix enim datur Morbus, qui, unam vel alteram, pro ussa sua non agnoscat affectionem: & in iis, quos non produixerint Morbos, multum proficere, vel nocere possunt. Perturbationes, apud omnes in confessu est. Argumentum, non inficiar, difficillimum est: sed quanto difficilius sit, tanto plus diligentiam, nostram & assiduum studium ad verum investigandum, exigit: et quamvis ulta captum humanum effugiant, multa forsan scrutan- patebunt, quæ utilitate scateant, & ad perfectionem mobilissimæ Medendi Artis conducant.

His incitatus considerationibus, opus aggredior, quod benter fateor, supra vires esse: neque dubito, quin


## P R O O E M I U M.

meæ sententiæ suffragium publicum consonet. Attamen difficultia tentare, quamvis parum succedant incepta, & honestum mihi videtur, quam in rebus facilitioribus versari quibus bene peractis, nullus sequitur Honos.

Ad peculiarem indulgentiam attamen pertinet Auctor quæ neque scribendi pruritus, nec vana instruendi spes. Libellum hoc typis mandandum, sed obedientia sola hujus Academiæ Legibus præstanda inducunt: & qui nec sibi satisfecerit, Dissertationem conscribere, materias Auctorialibus compilando, & ex altera parte experientia caret, observationes utiles, quæ ad praxis perfectionem inserviant, examini publico submittere. Tali, si uero quam speculari fas est, procul dubio permittitur ex clara & cognitis obscura & incognita querere.

„ Quelques-unes de mes idées paroîtront peut-être hazardées. Si le lector juge fausses, je le prie de se rappeller, en les condamnant, que ce n'est qu'à hardiesse des tentatives qu'on doit souvent la découvrir des plus grandes vérités; & que la crainte d'avancer une erreur ne doit point nous detourner de la recherche de la vérité.

De L'Esprit.



S P E C I M E N   M E D I C U M  
I N A U G U R A L E  
D E  
A N I M I P A T H E M A T U M  
V I E T M O D O A G E N D I  
I N I N D U C E N D I S V E L C U R A N D I S M O R B I S.

P A R . S   P R I M A.

ominem, ex Animo & Corpore mirificè conjunctis constare, Phylosophi ferè omnes patentur. Hujus unionis normâ, substantiæ secundum privam naturam valde discrepantes, & etiam oppositæ, commercium mutuum formant, & proprietates singulis ignotas adipiscuntur. Spiritus cum materia connubio, Corpus nunc *animatum*, ab illis vinculis, quæ materias in genere ligant, emancipatur; *vegetum* enim, *actuosum*, *sentiens*, devenit, & plurimis gaudet dotibus, quæ in Corporibus *inanimatis* nunquam inveniuntur. Pars spiritualis, ope Domicilii sui, apparatu idoneo instructi, perceptionibus vel ideis, varietate & numero infinitis, locupletatur; quibus inter se comparatis, judicat, vult, & Corpore pro instrumento inserviente, voluntatem in actum deducit.

Quemadmodum tam arcte associantur Animus & Corpus ad Hominem constituendum, ut Humanitas nec sine *hoc*, nec sine *illo* subsistere possit;

sic felicitas humana a beneficiis sibi invicem datis & receptis claret pendet. *Corporis* enim vigor & sanitas *Animo* vigorem infundit: *illo* vires crescente & vigente, *hic* virescunt vigetque, &, ut sic dicam, nutritione corporea nutritur. Hæc officia affatim remuneratur Animus. Pro conservatione enim *Corporis* vigilat, ejus vires exaltat, commodum sodalis assiduo prosequitur, & malum impendens avertere conatur.

Sed quamvis unio hæc multa commoda utriusque substantiæ præbeat tamen multa inde *incommoda* simul proficiuntur, nam omnia illa externa vel interna, quæ res nonnaturales vocantur, & quæ ad systematis conservationem requiruntur, variis modis nociva fieri possunt, & tanta amicitia Animum inter & Corpus adest, ut *hoc* dolente, *ille* etiam male afficiatur. *Corporis* Aegritudo ad Animum usque extenditur, plerumque obscurat ejus facultates, & aliquando valde turbat. Anima parvæ valente, sæpiissime mutantur, debilitantur, vel destruuntur facultates corporeæ.

Medici est mutationes has morbosas, quæ tam diversæ & numerosæ sunt, & valde discrepantes inter se natura, gradu, & exitu, observare examinare, & cum remediis convenientibus tractare, ita ut ad pristinam sanitatem redeat æger, & functiones solitas *Corporis* & *Animi* iterum possideat integras.

Ex tam multis rebus, quæ attentionem Medici postulant, bona vel mala per Animum in Corpus inducta, pro argumento hujus *Specimini Inauguralis* selegi. Examinationi igitur mutationum præcipuarum quas *Animi Pathemata* Corpori inferunt; & demonstrati, illas ad easdem leges reduci posse, quibus subjiciuntur fere omnes aliæ morbi vel sanitatis causæ, paginas sequentes consecro.

Sed antequam ad hæc pervenio, necesse erit, ut inquiram, quæ sint leges illæ generales systema nostrum dirigentes, & quomodo mutationes, quas experitur Corpus, producant.

Scriptores physiologici sæpe tentaverunt functiones varias, quæ in Corpore vivo & sano jugiter perficiuntur, æque ac functionum læsiones vel morbos, per leges physicas explicare. Alii fibrarum Elasticitatem statuunt, alii Effervescentiam quamdam, alii vim electricam pro causa proxima motus muscularis, & aliorum motuum, qui in systemate nostro locum habent, agnoscunt. Sed multa, immo innumerabilia, in Corpore vivo phænomena dantur, quæ demonstrant, actiones ejus toto cælo distare ab regulis, quibus obtemperat una, vel altera corporum proprietas supra dicta.

Equidem ita dissidet Corpus vita & sensatione prædictum ab omnimachina adhuc cognita, & actiones ejus ab omni motu materiæ impresso, ut valde improbabile videatur a priori, motum animalium leges, pro causa efficiente, quibus alia corpora diriguntur, agnosci posse. Et

multa

multa invenimus phænomena, quæ omnem explicationem merè physi-  
cam illudunt. Talia sunt effectus per non naturalia produc̄ti diverse  
applicata. Humiditas e. g. cum frigore conjuncta, vasa cutanea con-  
stringit, quamvis in aliis corporibus vita non præditis, poros valde dilatet.  
Vasa cutanea per totum Corpus constringuntur, quando ad *extremita-  
tes solas* applicatur hæc humiditas. An frigus in Corporibus *inanimatis*  
eosdem producat effectus? Aeris frigus similia exhibet phænomena;  
quæ tamen secundum leges physicas non contingunt. Calor enim *in-  
ternus* tali constrictio resisteret. Ille semper circiter nonagesimum  
quartum gradum retinet, quamvis frigus *externum* in thermometro, ad  
gradum nullum descendat. Constrictio hæc itaque alicui causæ Cor-  
pori *vivo* propriæ attribui debet. — Stimuli vel internè vel externè ad-  
ministrati, sæpe commotiones enormes in *Corpore vivo* excitant, quam-  
vis omni careant vi *Cadaveri* applicati. — Nonnulla remedia topica,  
virtute magna pollent, & morbos vel sanant, vel mitigant, ad partes  
longè distantes a sede morbi adhibita. — Alia vim suam exercent in  
stomachum & intestina recepta, antequam possibile esset, per viam circu-  
lationis, ad locum destinatum attingere. Narcotica similimodo, in  
tubum intestinalem admissa, torporem per totum sistema statim ferè  
inducunt. His associare possumus motum sanguinis perennem, quam-  
vis momentum velocitatis secundum normas physicas per Vasorum fric-  
tionem valde imminui debet, itaque vis quædam naturæ animali da-  
tur, motum generans: — Consensum illum, vel partium conspirationem,  
ubi nulla nervorum communicantium vestigia detegimus: — Animi po-  
testatem in Corpore motus voluntarios producendi: — Pathemata Ani-  
mi, quæ mutationes varias efficiunt in diversis Compagis nostræ parti-  
bus: — Tandem contractiones involuntarias per stimulos excitatas. Om-  
nia hæc, & multa hujusmodi suadent alia principia, alias normas Ani-  
mali *vitæ* & *sensatione* gaudenti inesse, quam in Mechanicis, vel physi-  
cis inveniuntur.

His Argumentis de futilitate Hypothesis Philosophorum mechanico-  
rum convicti, alii, principium quoddam incognitum pro vinculo vel  
nexu, corpus inter & Animam, statuunt medici, cuius interventu, *il-  
lud in banc*, *hæcque in illud* mutuo agit. Sed de ejus natura & sede, in  
contrarias dividuntur sententias. Alii, hanc *Vim Vitæ*, *πνευμα*, *Im-  
petum faciens*, *fibrarum Elasticitati* cum *Sensibilitate* conjunctae, attri-  
buunt (a): Alii, ad *vim irritabilem*, quâ dicunt partem glutinosam  
musculorum instructam esse, referunt (b); Alii, totam naturam au-  
tu-

tumant, Principio quodam occulto, a primo mundi ortu donatam est quod neque ad corpus, neque ad Animum spectat; sed, quasi tertius quid, momento Animi connubii cum corpore, in hominem infunditur, usque ad eorum divortium remanet; quod, Vitâ vigente, viget, destructa destruitur. (\*) Alii, Animam ipsam vitæ scaturiginem esse, ipsam si corpus formasse, illud continuò gubernare, & conscientia quadam, quasi intellectu fruentem, per totum systema diffusam, ad omnes corporis functiones dirigendas, & Domicilium suum conservandum, jugiter vigilare, strenuè affirmant (c). Alii volunt corpus per Animum regi & omnes motus ejus cum vitales & involuntarios, tum voluntarios, a Animi operationes ascribunt: non equidem, ut ad principium intelligentes, & actionum suarum semper *conscium*, sed ad principium merè sentiens, nec conscientia vera, nec intellectu præditum. Anima, (dicunt per totum corpus diffunditur, vitam & sensibilitatem, & inde motus diversos perficiendi aptitudinem, consorti corpori communicat. Per hanc sentiendi facultatem, omnia illa phænomena regularia, vel anomala explicant, quæ leges physicas spernunt (d). Ego vero litem di remere nolle. Videtur tamen hypothesis hæc simplicitate, dignitate, & phænomena explicandi facilitate, omnibus præstare, & si potuerimus istas refellere objectiones, quibus inpugnatur, & quas ex natura facultatibus animi deducere volunt, omnium facile consensum obtineret.

Sed utrum ad *Animum* referatur hoc principium, an ad tertium quid Corpus inter & Animum, cuius interventu illud in hunc, & huius in illud vicissim agit, ad nostrum argumentum non valde pertinet. Sufficiat si aliquam vim corpori vivo inesse admittamus, quæ legibus ipsi peculiaribus omnia agit, dirigitque.

Videamus itaque quæ sint illæ leges, & quomodo operentur.

§. I. Hæc *Vis Vitæ*, vel *Impetum faciens*, vel *Facultas Animi sensitiva*, quocunque nomine id insignire velis unde vita ipsa, functionesque vitæ pendent, corpori impertitur ope nervorum a cerebro & medullæ spinali exeuntium. Hoc demonstrant torpor ille, sensationis & motus abolitio, quam cerebri & medullæ spinalis compressio, in systema inducit; vel torpor & mors localis, compressionem, aut divisionem nervorum sequentes, in parte ubi efficaciam suam exercere debuit: æque ac convulsiones & agitationes vehementissimæ, universales, vel topicæ, per irritationem cerebri, medullæ spinalis, aut nervi singularis excitatae. Pro sede occupat totam corporis Compaginem, neque videntur partes solidiores.

(\*) KAAU BOERHAAVE (c) STAHL. VAN HELMONT. NICOL. de anima medica. (d) WHYTT.

iores efficacia sua penitus privari. Offa enim durissima, quamvis *fana*, nulla dant signa sensititatis, tamen *morbosa*, sensitilia redduntur; & im consolidationis, & novam materiam generandi, inesse ossibus fractis, cuius notum est. Cor tamen, arteriæ, musculi in genere, membrana, uæ ab ore ad anum usque extenditur, œsophagum, stomachum, intefinaque investiens, cutis totam compagem amplectens, & ab injuriis protegens, sunt partes, quas peculiari ratione hæc vis vitæ animare uidetur, si ex earum sensitilitate & irritabilitate sententiam ferre liet. Sed in his etiam partibus datur magna diversitas, & valde discrepant inter se, gradibus sensationis & activitatis. Illæ quæ in statu uno minime sentiunt, super omnes dolent *inflammatione* correptæ (e).

§. II. Per sensititatem intelligitur, physiologice loquendo, facultas illa in principio vitali sita, „qua stimuli actionem suo quoque modo percipit” (f). Quamvis sæpe cum conscientia conjungitur, tamen cum sensibilitate hæc non est essentialiter connexa. Quando enim communicatio cerebrum inter (quod ab omnibus pro sede conscientiæ habetur), & reliquas corporis partes interpellitur, multa & indubitata sentiunt signa sensationis, vitâ adhuc in trunco remanente; ad stimuli applicationem enim moventur artus quodam instinctu, ac si vita interra remansit (g).

§. III. Irritabilitas est facultas movendi, qua per stimulum, cuiusunque naturæ applicatum, pars ad motus subitaneos excitatur. Hæc facultas a sensitilitate secundum definitionem supra datam, liquido penetret. Sentire debet pars agitata causam in eam agentem, unde aliter proveniat motus hic subitaneus? alias effectus esset sine causa. Demonstravit porro Clar. WHYTT, irritabilitatem gradui *sensibilitatis* proportionatam esse. In infantibus, scilicet, & senibus, datur exemplum *lam* vel augeri vel diminui cum *bac*. Quidquid partis *Sensibilitatem* auget, *irritabilitatem* auget. Hoc testatur inflamatio. Quidquid *illum* debilitat, *banc* etiam debilitat. Quando euim per frigus artus insensibiles deveniunt, *paralytici* fiunt. Animalia, tempore brumali torlescentia, nec sentiunt, nec ad ullum motum irritantur. Opiata, uæ sensationem per totum corpus tollunt, aut mitigant, muscularum vel

(e) Vid. WHYTT *Observations on Sensibility*; §. 3. (f) III. GAUB. Instit. Path. §. 172.

(g) Irritata Medulla Spinali, totum Corpus Ranae decollatae motibus convulsivis valle agitabatur. Rana alia, capite privata, musculos femoris & pedis antrorsum versus abdomen fortiter contraxit, puncto pedis digito; conabatur sic sese a stimulo liberare. Vid. WHYTT. *Observations on Irritability*. §. 2. Hæc mutationem aliquam in statu Nervorum clare indicant, quam Animal sentiebat, vel percipiebat (pro verbo contendere non), quamvis conscientia abolita erat.

vel irritabilitatem, vel potentiam motricem similimodo destruunt, aut minuunt. Parvis dosibus assumpta inde vomitum & tussim cohibent (b).

§. IV. Sensibilitas & irritabilitas in duas species dividi possunt. Quando pars stimulata etiam *irritatur*, aut ad motus consentaneos excitatur vel quando pars longè distans a stimuli applicatione, per hujus stimul vim nihilominus, benè vel male, afficitur. Hæc duo tamen sæpe conjuguntur.

§. V. Prima species, scaturigo esse videtur omnium motuum, quæ ad vitam & sanitatem pertinent. Per hanc pleræque geruntur functiones. In *musculis* voluntatis efficacia pro stimulo inservit, vel quod cunque vi stimulante agit aut dolorem inducit, eos ad contractiones incitat. Vasa majora, *Cor* scilicet & *arteriæ*, pér sanguinem laceantur ad contenta sua expellenda. Anxietatis sensatio, in Pulmonibus per exspirationem, vel inspirationem nimis longè coabitam, ad thoracem dilatandum, vel deprimendum excitat (i). Acidum in stomacho generatum (k), vel nervorum attritio, stomacho collapso, ideam a sensationem famis producit. Cibus concoctus, in intestina translatus & cum Bile commixtus, ad motum peristalticum hunc tubum irritat. Vasa capillaria & absorbentia, etiam vim motricem a majoribus vasis distinctam possidere videntur. Substantiæ enim acres ad illa applicatae inflammations topicas producunt. Vasorum absorbentium sensibilitatem & irritabilitatem eorum inflammatio etiam demonstrat. In glandulis diversis irritatis augetur secretio. Hæc indicant has partes ad motus sibi proprios destinari: neque improbabile est, quod hic motus circulationem humorum adjuvet, quamvis in statu naturali oculorum aciem effugiat: hoc evenit etiam in animalculis, ubi nemo de circulatione dubitat. His conjecturis porro repudiatis, nullæ aliæ adhuc inveniuntur, quæ ad circulationis perennis per minima vasa phænomena explicanda sufficient (l).

II

(b) Vid. WHYTT *on Irritability*, §. 4. In tali casu Systema nervosum per stimulum irritantem quodam instinetu excitatur ad illos motus, qui partem a malo liberare optimi tendunt. Dolore itaque pacato cum periculi sensatione cessat etiam naturæ conatus se liberandi. Sed irritationem *topicam* Opiata non videntur penitus impedire. Constitutum enim per experimenta *accuratissimi Naturæ Observatoris* Ill. HUNTERI, quod opium in emplastro cantharidibus commixtum, quamvis Doloris sensum obtundat, partem tamen cui applicatur, ad debitam secretionem irritet. In hoc casu Opiata Facultates Animæ sapientia, conscientiam ejus vel mitigant, vel demunt; sensibilitas tamen illa, quæ Nervi ipsis inest, & quam ab Animi Conscientia non pendere diceres, remanet, & inde pars, cui applicatur stimulus hic acerrimus, ad fluidorum Secretionem excitatur; vi *topica* Irritamenti vim *topicam* narcotici præstante.

(i) Vid. WHYTT's *Essays*. (k) Clar. CULLENI *Prælectiones Chymicæ*.

(l) Vid WHYTT. *Motion of the fluids*, &c.

In omnibus his casibus pars ipsa ubi agit stimulus, ad motus congruos concitatur: Hic tamen accurate loquendo differentia invenitur inter nervos Irritamentum sentientes, & illos, qui motum generant. Interna cordis superficie scilicet, aut arteriarum, irritata, vel potius Irritamentum percipiente, fibræ musculares ad contractiones excitantur. Inde provenit, ut Irritamenta ad fibras musculares ipsas applicata, in tunica vasorum sitas, parvas & debiles cieant contractiones, quum internè injecta asdem fibras musculares ad validissimos irritent motus. Hæc observatio mihi videtur doctrinam illam, quod Irritatio semper sensationem aliquus naturæ supponat, valdè confirmare. Irritamentum enim partium vellicat non vim dat, nec contractionem ipsam operatur, sed vim insitam tantum in actum dedit (*m*).

§. VI. Secunda species ad consensum, vel conspirationem inter partes pectat, qua sensatio quædam irritamenti motus producit in parte a se de sensationis longè distante. Aqua frigida scilicet, extremitatibus applicata, vasa cutanea per totum Corpus constringit: Effluvia aromaticaribus hausta, novas vires systemati suppeditant. Asperæ arteriæ irritationis non modo sensum doloris excitat in parte, sed etiam musculi Thoracis & præcipuè Diaphragma ad motus convulsivos laceffuntur. Diaphragma is inflammatio vomitum, delirium, risum sardonicum inducit. Inflammatio intestinalium stomachum ad vomitus impellit & vasa excretoriaenum constringit, inde urinæ suppressio. Vermes in primis viis stabentes sensationem titillationis in apice & ad alas narium efficiunt. Reum inflammatio nauseam, vomitum, alvi suppressionem producit & sic porro. In hujusmodi casibus prima irritationis species cum secunda conjungitur.

§. VII. Status idoneus hujus vis nervosæ, & debita actio ejus agilitate nec nimis præcipitata, nec nimis remissa in qualibet parte contingens, optimam sanitatem Animi & Corporis constituit. Ille nullo pathemate ordinato agitatur, sed placidus & tranquillus ad munera sua nobiliora adaptatur. Hoc etiam omnes functiones sibi proprias cum quodam levamine & jucunditate absolvit. Respiratio libere & sine molestia fit. Actio cordis arteriarumque, cum sanguinis circulatione inde pendente, molles, vegeta, regularis, neque violentia excedens, neque nimis depressa perficitur. Perspiratio benigna æqualis, totam cutim madori satutari rorat. Alimenta cum appetitu queruntur, & concoctionem idoneam cum facilitate subeunt. Humores omnes rite secernuntur, & excrementa, quæ vel quantitate vel qualitate nocere potuerint, debito tem-

(m) WHYTT. on Irritability.

tempore & modo ejiciuntur. Dolor, anxietas, gravedo, a Corpore proscribuntur. Vigor quidam, & levamen verbis non exprimendum, per totum systema regnat. Quasdam variationes admittit natura, alioquin vix unquam a morbo immunis esset homo. Quotiescunque tamen varia tio tanta est, ut functionum læsionem inducat, *morbus* vocatur.

§. VIII. Error hic ad duo capita referri potest: quando scilicet organa ad diversas functiones apta nata nimis agitantur, vel è contrario ad eum debita ullo modo imminuitur: unde functiones cum nimis violentia peraguntur, aut perturbantur, vel diminuuntur, aut penitus sufflaminantur.

§. IX. Motus inordinatus organorum sedem habet in omnibus partibus ad motum cujuscunque generis destinatis; in musculis scilicet, motus voluntarii & involuntarii instrumentis, in corde & arteriis, vasculis minoribus capillariis lymphaticis &c, effecta secundum partis natum prodicit. In musculis motus inordinatus contractiones convulsivas generat, quando scilicet musculus contrahitur, iterumque relaxatur violentè, subito, alterne, quod neque a voluntate producitur, nec per summam Animi energiam supremi potest. Motus hic muscularum irregularis, secundum sedem suam & vehementiam, varia exhibit symptomata. In musculos voluntarios agens, agitationes enormes effrænata ciet, ut in Hystericis; in alias musculos, Respirationis scilicet, tussim Diaphragmatis, ventriculi, abdominis, vomitum excitat, aliaque plura.

Vasorum actio vehementior diathesin inflammatoriam, febres ardenttes, inflammations locales gignit, in cerebro scilicet phrenitidem in musculis laryngis & pharyngis anginam, in membrana thoracem investiente pleuritidem, & sic porro. Hæc vasorum irritatio, circulatione sanguinis velociore, calore aucto, rubore, dolore stipatur cum illis symptomatibus, quæ ad partem morbosum peculiaria sunt, vel a functionum læsione oriuntur (n).

§. X. Hic motus inordinatus pro causa sua agnoscit vel nervorum sensibilitatem & irritabilitatem auctam, vel potentiae stimulantis novam aut violentiorem applicationem. Primus casus generatim irritabilitati nomine insignitur.

§. XI

---

(n) Inflammationem vasorum auctæ actioni præcipue ascribendam, neutiquam vera obstrunctioni, multa suadent. Pulsus frequentior & plenior, venarum plenitudo, calor rubor, roseus partis inflammatæ, male obstrukioni respondent; irritationi optimè. Causæ, malum excitantes ad irritantia spectant & cum obstrukione nil habent commune. Obstructio porro externa mechanica nunquam inflammationem ciet, nisi quum irritationi vel dolor eam comitatur. Clar. FORDYCEI *Praelectiones*. Vid. etiam Dissertationem inauguralem amici *ingeniosissimi* Dr. THOMAS HOULSTON, de *inflammatione* nuper editam, in qua hanc materiam verbosius & perspicue tractavit.

§. XI. Læsio functionum per debiliorem Organorum actionem in hisdem partibus nata, vel ab aucto impetu vis nervosæ in aliqua parte, vel ab ejus defectu oritur.

§. XII. Auctus impetus sese manifestat per contractiones spasticas vel in vasis, vel in musculis. Illa per hanc vim tam fortiter constringuntur, ut opprimi videantur, neque valeant muneribus suis solita cum libertate fungi. Constrictio spastica cordis scilicet, & arteriarum, diametrum diminuendo rigiditatem temporariam inducit, diastolen & systolen cohibet, ita ut non possint cum requisito iectu sanguinem expellere. Pulsus inde parvus, frequens, durus devenit. Vasorum minimorum constrictio perspirationem & alias secretiones, secundum sedem suam & vehementiam, cohibet. In musculis vis motrix cum nimio impetu ruens musculos corrugat & fortiter constringit, unde tetanos, opistotones emprostotonos &c. Hæc vasorum constrictio locum habet præcipue in febrium, præsertim Intermittentium, primo stadio, morbis chronicis pro maxima parte, febribus nervosis, malignis. Insensibilitatem, frigus, pallorem, virium prostrationem, lassitudinem &c. pro suis symptomatis agnoscit.

§. XIII. Vis nervosæ defectus — A compressione sensorii communis provenit, unde ejus communicatio impeditur, & una & altera, vel omnes Corporis functiones impediri, aut debilitari possunt. Hinc apoplexia, epilepsia, catalepsis, paralysis &c. Compressio vero localis, vel nervorum divisio, torporem localem producit, paralysin, mortem partis &c. — Altera debilitatis functionum causa ex atonia, vel fibrarum laxitate, oritur. Ubi scilicet illa vis constringens, quæ manente sanitate remanet & systemati robur communicat, per quamdam causam tollitur, & debilis, flaccida devenit pars, & vigore illo, qui ad solitas perficiendas functiones requiritur, caret (o). Hoc malum a nimia fibrarum distensione oritur, vel ab nimio vis nervosæ impensu, unde vires quasi franguntur, & totum systema debilitatum languet, torpescitque. Tale vitium hydropem, stómachi & intestinorum imbecillitatem, diabetem, urinæ incontinentiam &c. generat. Nimia partium firmitas & insensibilitas, unde per stimulam solitum ad actionem non facile concitantur, aliam etiam præbent causam defectus hujus morbos. — His adjungere possumus plethoram, vel vasorum depletionem. Prima vasa nimis distendit ita, ut non valeant cum pleno iectu sese a sanguine liberare, quod usque ad stagnationem progredi potest. Secunda vasa stimulo

(o) Arteriarum diameter post mortem valde augetur: hoc demonstrat vim incessanter constringentem vita superfite. Clar. FORDYCIR Praelect.

mulo suo orbat, & conatum ad contractionem auget usque ad summam debilitatem. Hinc lipothymia, lipopsychia, syncope &c.

§. XXIV. Hæc duo vitiorum genera in plurimis morbis complicata sunt & omnes variationes possibles locum habent. Vasorum e. g. nimis velocitas contractione spastica sœpe conjungitur. Unde pulsus & durus & frequens fit. Calor ille urens iterum, qui in febribus inflammatoriis sentitur, vasorum constrictio comitatur, ut liquet ex perspiratione obstruta & cutis siccitate. Nunc torpor aut suspensio functionum aliquarum cum nimia agitacione in aliis organis necatur. In morbis hysteris musculi motibus convulsivis agitantur. Vasa minima constringuntur (ut ex urina limpida liquet), sed Animi facultates debilitantur. In epilepsia vi musculos movens remanet, quamvis irregulariter agat. Respiratio tamen & sanguinis circulatio languent. Sensus interni etiam abolentur. In epilepsia sensuum omnium totalis interruptio fit. Respiratio tamen & pulsus bene se habent (q), & vis motrix in musculis remanet, voluntatis adstantis obediens. &c. Aliquando nervorum nimia sensibilitas contrarium vitium creat. Nervi stomachi e. g. per vermes stimulati, epilepsiam inducunt. Sed epilepsia hæc pro tempore nervorum sensationem suspendit. &c. (r)

§. XV. Datur in hominibus temperamentorum magna diversitas, ita ut eadem causa occasionalis in hoc effecta, ab illo corpore toto cœlo contraria, excitet. Qui nempe nimia nervorum sensibilitate & irritabilitate tenetur per ea, quæ aliter innocua fuissent, male afficitur. Hic homo

(p) Multi functionum torporem lentori cuidam humorum præcipue attribuunt. Secundum viscositas hæc vel ab aliqua mutatione in vasorum motu provenire debet, vel a nutrimento, quod nimia viscositate scatet. In primo casu evidenter effectus languidioris circulationis existit, & nullo modo causa ejus; in secundo difficillimum esset, si non plane impossibile, ut tanta materiæ viscidæ quantitas per vasa lymphatica in massam sanguinis transire possit, & longissimum temporis intervallum ad talē metamorphosin humorum efficiendam requireretur: & summe probabile videtur, tantum per vim systematis circulatorii semper ejici, quantum a vasis absorbentibus resorptum est. Hinc nulla fieri potest viscidæ accumulatio.

(q) Vid. HOME Princip. Medicin. pag. 223.

(r) Multa Phænomena demonstrant, quod potentia nervosa facillime ab una in alteram Systematis partem promiscue transire possit, & aucto impetu ejus in hoc loco, ille sine ullo exercitio sibi proprio debilitatur. Constrictionem Spasticam vasorum, hebetudo scilicet Musculorum concomitatur: neque valet Animus debitam in iis vim exercere. Constrictio hæc, si violentia & diurna est, efficaciam nervosam exhaustit, & omnes alias partes ejus præsentia privat. Inde soſtan accidit, ut sensus externi vel interni aut debilitentur, & functionum suspensionem patientur, nempe in morbis hysteris, epilepticis, tetano, &c. tali dote hujus Influentiæ vitalis orbantur, ut non valeant functionibus suis fungit. Hæc etiam in musculis & vasis quasi collecta, functiones his partibus proprias perturbat. Vid. KAAU BOERHAAVE Impetum faciens, §. 337. 378.

omo e. g. post exercitium solito paulo violentius, vel leviorem diætæ rrorem, febris symptomatibus castigatur. Ille tamen temperamento robustiori gaudens majori excessu impunè indulget. Qui iterum aucto sensibilitatis & irritabilitatis gradu laborant, non solum incremento motus *naturalis* obnoxii sunt, sed etiam motibus *præternaturalibus*. Sex sequor inde, teneriore & sensiliore compagine instructus, valde prolixis fit ad spirituum perturbationes, & motus enormes convulsivos, contractiones spasticas, & hujusmodi symptomata. His adjungere possumus idiosyncrasiam, vel talem nervorum constitutionem, qua male alicantur forsan iis, quæ pro maxima parte innocua, vel salutaria sunt. &c. (s)

§. XVI. Sensibilitas hæc systematis & irritabilitas, quas pro basi omnium motuum naturalium ponimus, quamvis ad vitam & sanitatem tam necessaria sint, tamen ad morbos numero ferè infinitos reddunt Corpus roclive, & dura necessitate omnia, quæ prodeesse possunt, etiam vel incongrua, vel nimis violenta applicatione, aliquando valde nocent. Omnia hæc tamen vim nocivam vel salutarem exhibit secundum leges, quas supra observavimus Corpus animatum dirigere: Vel augmentant & perturbant, vel mitigant, deprimunt & debilitant corporis functiones. Hæc producunt effecta vis nervosæ distributionem irregularēm, vel auctum impetum excitando, vel è contrario debitam ejus vim debilitando.

§. XVII. Quæ functionem aliquam excitant — vel vi stimulante polent ita, ut ad actionem vegetiorem laceffentur vasa, aut musculi; — vel vim illam comprimentem & constringentem tollunt sic, ut ad debitam actionem redeant partes; — vel atoniam & debilitatem fibrarum corrigunt. Ad primam speciem pertinent stimulantia varia, urentia, cordodentia &c. cibus, potus, medicamenta, actualem vel potentialem calorem possidentia, venena multa, acria omnia, motus nimis violentus, miasmata in aëre volantia, pus in systemate generatum &c. — Ad secundam speciem pertinent, antispasmodica omnia, quæ vasa aut musculos a vinculis suis liberant, & in statum ad debitas functiones perficiendas idoneum reducunt. — Ad tertiam speciem spectant adstringentia multa & corroborantia, quæ fibras laxatas constringunt, & partes debilitatas roborando novas suppeditant vires.

§. XVIII. Quæ actiones organorum vehementes mitigant aut debitas deprimunt & debilitant, hos producunt effectus — aut causam irritantem tollendo & eliminando, ut diluentia, demulcentia, purgantia, terræ acida absorbentes &c. — aut nervos ad stimulum reddunt in-

(s) Vid. WHYTT on nervous disorders.

insensibiles pro tempore, ut narcotica, somnus diuturnus, cerebrum comprimentia; vel in genere nervos nimis sensibilitate praeditos corroborant, ut in motus vehementes ob minimam causam non abripiantur. Talia sunt Cort. Peru. amara &c. Vasorum auctam actionem diminuunt porro, quæ fluidi contenti quantitatem ratione vasorum diametri mutant. Hoc efficiunt — Evacuantia, quæ humores diminuunt, & vires vasorum debilitant per nimiam suæ vis contractilis intensionem (*t*): — vel Emollientia & vasorum dilatantia, ut aqua tepida & vapores humidi, qui vas relaxant, & ita eorum impetum contra fluidum mitigant. — vel denique illa, quæ vasa fortiter constringunt ita, ut cum pleno iectu impellere sanguinem non valeant. Hoc efficit aqua frigida, frigus aëris, alcohol stanni & plumbi præparationes chymicæ, miasmata nonnulla, ut vapores, putridi, noxii &c. — Omnia porro, quæ cum nimia vehementia audiuturnitate agunt, sive adstringentia sint, vel relaxantia, sive actionem functionum ageant, sive diminuant, vires corporis frangunt, atoniam producunt. Et hinc etiam languet circulatio. His adjungere possumus causas mechanicas partes ultra tonum dilatantes &c. Ad motus muscularum convulsivos pertinent etiam antispasmodica, quæ vim illam nervosam in musculis impensam tollunt.

§. XIX. Multa iterum dupli potestate gaudent, alia sese manifestat in parte, ubi applicantur, & alia in toto Corpore. Sales medii scilicet tartarus emeticus, stomachum, vel intestina ad vomitum, aut alvi solutionem, stimulant; tamen vasa a constrictiōibus eximunt. Aliorum prima effecta sunt vires excitare, robur, vigorem systematis augere, sed reiterata, sedativa fortissima fiunt, & sensibilitatem, & ad motum muscularum vim, tollunt. Hujus naturæ sunt vinum, opium & alia narcotica.

§. XX. Observatione dignissimum est, quemadmodum nervi sensibus externis appropriati ad objecta sua aptè accommodantur ita, ut oculus sonos non audiat, & imagines visus nullam excitant ideam in organa ad audiendum instructa: sic talis in nervorum conformatione datur diversitas in diversis corporis partibus, ut per eosdem stimulos simili modo non afficiantur. Quod enim in his nervis cum maxima vehementia agit, in aliis quasi inerme devenit. Ipecacuanha scilicet, quamvis ad oculum tanta sensibilitate praeditum applicata, potentiam suam irritantem celet: tamen parva quantitate internè sumpta, summæ commotiones brevi tempore vim ejus detegunt. Guttula aquæ tepidæ in œsophago quam innocua! attamen in laryngem errans, tracheam, musculosque thoracis ad convulsiones inexpugnabiles lacerat. Virus animalium morsu

(*t*) Vasa semper conantur sese ad humorum volumen adaptare.

horsè ad nervos denudatos admotum, effectus omnium pessimos afferit: men in ventriculum ipsum assumptum, nil malignit. Alia dantur medicamenta, in quibus cum vi stimulandi generatim conjungitur quædam determinatio particularis. Argentum vivum sanguinis circulationem per totum systemà accelerat, sed faucium glandulas præcipue amat. Cantharides collum vesicæ urinariæ petunt, aloes intestina, quamvis in implastro ad abdomen applicantur, & sic de aliis.

§. XXI. Sedes operationis non naturalium, vel medicamentorum, diversæ sunt. Modo externe applicata, vasa ad fortiorē actionem stimulant per totum Corpus, ut caustica acria; modo in pulmones introducantur, ut miasmata, vapores noxii; modo per cutis vasa absorben- ta in sanguinem vehuntur, ut mercuralia demonstrant. Stomachus & intestina videntur vim medicamentorum vel bonam vel malam præcipue sustinere, & inde consensu quodam eorum effectus per totum corpus sparguntur (*u*).

§. XXII. Per hanc analysin pathologicam videmus, quod morbo- um maxima pars ad violentiorem, vel irregularem vis nervosæ actionem pertineat. Hæc sæpe motus inordinatos producit, & sæpe etiamunctionum Torporem. Atonia ipsa porro plerumque a nimia potentia- nervosæ energia & profusione provenit. Causæ itaque occasionales mor- borum

(*u*) Aliqua remedia procul dubio cum humoribus commista & ad locum definitum adlata in systema operantur. Talia sunt diuretica, sialagoga, & nonnulla ex-pectorantia. Hæc enim virtutem exserunt in Nervos ad eorum Stimulum adaptatos. Sed artem Medicamentorum maximam in Solida viva agere, sine admissione in Sanguinem, multa probant. — Celeritas e. g. eorum Operationis. Vinum, aromaticæ, narcoti- mutationes efficiunt ad Stomachum applicata, antequam fuerit possibile, ut per Viam circulationis circumduci possint. — Minima moles medicamentorum; e. g. gr. j. opii totum Systema torpefacit. (\*) Tart: Emet: gr.  $\frac{1}{2}$  vel gr. j. sudorem profusum sæpe elicit. Li- mores spirituosi in parva quantitate adsumpti, stimulant, calefaciunt, inebriant. Sed hæc multa hujusmodi cum humorum libris plurimis commista totam vim perderent. Sic etiam corroborantia, Cortex Peruv: scilicet, Amara, Aromaticæ, Sil martis &c. solida delitata per totum Corpus firnant, relaxata astringunt, & novis viribus animant. An cre- as hoc effici lege quadam chymica vel mechanica? An possibile esset uncias aliquot Ferri exitatem fibrarum superare tantam solidorum superficiem ferruminando? — Multæ enique, quæ cum summa efficacia agunt, in Sanguinem introduci non possunt. Aluminis 3 vel 3j hæmorrhagiam sistit, sed Aluinæ vasa fortissimè constringit & fluida Corpo- s coagulat. Inde impossibile esset in Sanguinem transire, tanta vi astringente præditum, sufficiat ad Sanguinem reprimendum, vasa topice constringendo, vel humores coagu- lando. — Ex his clare liquet, Sympathiam aliquam dari Stomachum & Intestina in- ter, & reliquas Corporis partes, & quod Remediiorum maxima pars hic applicata effica- iam suam per totum Systema inde effundat. Clar. FORDYCIT Prælect. Vid. etiam VHYTT on the Nerves. HOFF. Med. rat. Tom. 3.

(\*) Opiata in Ranæ Intestina injecta, corde ablato, vim torpescensem in Corporis Ex- remitatibus brevi inducunt. Hoc per viam Circulationis itaque fieri non potuit. Vid. VHYTT on Irritability.

borum præcipue vi stimulante pollent, hanc vim vitalem nempe ad immoderatam, vel irregularem actionem excitant, & quando ratione effectuum, quos edunt, sedativa fiunt, tamen quoad modum agendi a stimulantia referri possunt.

§. XXIII. Ex dictis porro affatim apparebit, illa, quæ hac corporis inde valde nociva fieri possunt, in alio statu multum prodesse. Aër calidior, v. g. exercitium violens, medicamenta stimulantia, quæ temperamento sanguineo-plethorico, morbos inflammatorios gravissimos generarent, in leucophlegmaticis, & hydropicis salutaria devovere possunt.

Hæc mihi videntur legum, quibus corpus humanum regitur primæ lineæ. Mutationes dico, quæ functionum munera, ullo modo perturbant, aucto vel diminuto organorum motui attribui debent. Hic vel diversis sensibilitatis & irritabilitatis gradibus, vel a natura speciali corporum in nervos agentium dependet. Omnes morbi itaque propriæ dicti nervosi sunt, vel ab aliqua mutatione in systemate nervoso oriuntur. Illi enim qui a fluidis vitiatis proveniunt, ut variolæ, morbilli, lues venerea &c. per symptomata sua manifestant systema nervosum novi stimuli in sanguinem admissi impatiens esse, & vasa ad violentiores & frequentiores micationes continuò lacerissi. Fluidarum depravatio separatim considerata, ad indolem nutritioni ineptam reducitur, quam non mutationibus subitis & commotionibus vehementissimis sese demonstrat, sed lenta virium consumptione & corpus gradatim emaciando. Simili modo corpora, quæ mechanicè agunt, per arctissimos limites cohibentur, si ideam corporis animati tollas. Calculus v. g. in renibus mechanice agens, pelvum forsan obturat, & urinæ stillicidium ivesicam impedit. Sed dolor & æstus lumborum, diathesis inflammatoria per totum corpus excitata, vomitus & alvi solutio, quæ aliquando accidunt, ad principium vitale referri debent. Hæc symptomata solidis vivis propria sunt, & ab his solis pendent (v).

PAR

(v) Qui ab humorum depravatione morbos generatim derivant, non satis explicantur, quo modo fiat transitio illa subitanea a sanitate ad morbos, & a morbo ad sanitatem, antequam possibile fuerit totam humorum Colluviem, vel vitiatam redi, vel vitiatam ex corpore eliminari. In illis Morbis enim, qui manifestè ab Inflectione oriuntur, intervalum satis longum observatur admissionem Veneni inter & Symptomata inde producta FORDYCII Praelest. — Præterea, Compotationes, Insolatio, Motus vehemens, Ira febrium inflammatoriam gignunt, similibus symptomatibus stipatam. An in his omnibus aliiquid acre obtinet? Vel acritas illa ejusdem indolis fieri possit? Vero absimile est. Sed si fluidorum acritatem velis, materia illa acris in nervos irritabiles agere debet, & symptomata inde sequentia producere, ut liquet ex rationibus supra datis.

Nec perspirationi suppressæ adscribere omnia possumus. Materia perspirabilis, ut Experimenta accuratissima demonstrant, ex vapore aquoso cum materiæ mucilaginosæ parva quan-

## P A R S   S E C U N D A.

Sensibilitate itaque & irritabilitate nervorum, quibus percipiunt stimulum atque ei respondent, pro basi omnium mutationum, quæ corpori humano accidunt, sive sint salutares, sive nocivæ, positis, conabimur per eadem principia Pathematum Animi Phænomena explicare.

Sicut Animi effectus omnes morbos inducunt iis similes, qui ab aliis causis proveniunt præter eos, qui per infectionem generantur, si eorum Phænomena possimus explicare per leges, quas corpus sensatione prædictum evidenter observat, tunc validum datur argumentum, quod morbi generatim potius nervorum affectioni attribui debeant, quam variæ humorum indoli. Nemo enim affirmabit affectiones animi primo humores mutare, & inde in solidas agere. Si igitur in paginis sequentibus, per hypothesin propositam, possimus rationem reddere phænomenorum, quæ ex pathematibus in corpore nascuntur, & quæ ab illis, qui omnia humorum mutationibus tribuunt, resolvi nequeunt, summam verisimilitudinis speciem datæ hypotheseos nemo negabit. Nec minime momenti erit porro, effectus pathematum diversos ad certas reducere classes; sic enim clarius videbimus, quo in casu nociva, vel salutaria fieri possint, & quando fas erit animum excitare, vel pacare.

Animi affectionem adpello mutationem aliquam a statu ordinario per boni vel mali repræsentationem in Animo productam, quam tedium vel voluptas semper comitatur, & quæ quotiescumque vehementer agit, cum mutatione visibili in Corpore conjungitur.

Effectus quos producunt hæc pathemata ad eadem capita cum aliis mu-

quantitate, olei essentialis, vel si mavis, animalis, adhuc minore, & forsitan salis medii minima quantitate, commisto constat; & tam innocua est, ut ad oculum ipsum sine noxis applicari possit. Aliæ etiam dantur viæ per quas hæc materia eliminari possit: per Pulmones scilicet, Renes, Alvum. Clar. FORDYCII Prælect. Quomodo porro fit obstruētio hæc? Per vasorum Constrictionem. Nonne igitur sani Rationi consentaneum foret potius huic causæ malum adscribere, quæ ut supra ostendimus, majorem Vis Nervosæ impensam facit, quam materiam illam innocuam accusare? Denique quando omnes secretiones demonstrant Vasa à constrictione libera, tunc pro tempore sanatur Morbus, & si in ulla parte constrictio-hæc-remanserit, Paroxysmus pro parte remanet, quamvis evacuationes effusissimæ sufficient ad materiam illam nocivam, a Perspiratione cohibita retentam, è Corpore eliminandam.

mutationum causis referri possunt: vel agitant & perturbant functiones diversas, vel deprimunt & debilitant: & haec efficiunt naturalem ac præternaturalem vis nervosæ actionem promovendo. Ut hoc affat appareat, animum advertamus ad notas unicuique pathemati peculiare & observemus statum, qui Corpori inde inducitur.

Cum SPE incipiamus.

SPES, vel exspectatio boni futuri. Quando cum debito impetu in systema agit delectabilem cordi sensationem impertit. Circulationes sanguinis liberam provehit. Animum & Corpus, ut sic dicam, erigit tanquam gratus stimulus vim novam & vigorem insolitum cum quodam levamine & sensu levitatis universè diffundit. Anxietatem tollit, & sensum ponderis circa præcordia. Contractionibus spasmodicis & vasorum constrictiōni inimica est. Perspirationem aliasque excretiones & secretiones debitas optime promovet. Nervos stomachi leniter irritando, cibi digestionem expediendo, appetitum incitat. Vultum placidum lenito & affabili risu pingit, & humorum accelerato motu, oculi insoliti splendore refulgent.

Si effecta hujus affectus Animi cum sanitatis descriptione supra tradita confers, analogiam arctissimam invenies. Vis nervosæ nempe debitæ & regulari actioni maxime favet (*a*). Inde clare apparet ratiō cur hic omnium affectuum saluberrimus, & homini amicissimus sit. Evidquidem tam mites & benignæ sunt operationes ejus, & sanitati optimam similes, ut vix datur morbus, quo nocere possit: sed quemadmodum plurimos corporis affectus morbosos Animi dejectio comitatur quæ malum auget, haec affectio animum erigens, periculum a vicio contrario removet, & malam corporis indolem ad boni ominis indolentem transfert. Sed præcipue in morbis a functionum torpore ortis, cum virium prostratione & anxietate comitatis, & in omnibus illis, qui frigori, tristitia, anxietati Animi, metui tribuuntur, maxime valet spes. Hæc enim cum torpore quodam, & vasorum constrictione necuntur. Eius unicuique notum est, quantum ad tales morbos curandos conducat sanitatis exspectatio, cum remediis idoneis cooperans. In febribus pestilentialibus, morbis chronicis, etiam optima remedia sine spe & fiducia conjuncta incassum cadunt: sed viribus eorum conspirantibus, omnino quod in medicinæ potestate est, promittitur. Dantur porro exempla ubi farrago sordidissima medicamentorum, quam nimis laudaremus forsan, si innocuam autememus, cum spe & fiducia accepta, morbos sanavit.

(a) Vid. §. 7.

vit, quamvis pharmaca merito laudatissima & cum summa peritia adhibita, nil profuerint. Spei Animam excitanti sagaciter ascribit Cel. GAUBIUS prodigia illa, quæ agyrtæ per amuleta vel remedia a medico incognita se perficere jaclant (*b*). In illis etiam, qui exanthemata expellunt, morbis, spes, vires corpori naturales excitando, vasa cutanea aperiendo, & sanguinis cursum à centro ad circumferentiam debita vi impellendo, benigne expulsionem adjuvat, & ad repercuSSIONem pustularum cohibendam optimè conduceit.

Hinc videmus magnam esse affinitatem effectus spei inter & illa medicamenta, quæ leniter & grātē vires refocillant, perspirationem producunt, & vasorum constrictiōnem tollunt. Cardiaca vocata, ut spir. fal. volat. CC. rad. serp. virg. mosch. chin. vinum sincerum, cum moderamine assumpta, omnia hæc nullam in indole humorum mutationem inducere possunt, ut liquet ex dosis parvitate, sed solida viva diversis modis excitant (*c*).

**FORTITUDO ANIMÆ**, vel magnanimitas ad pericula dimicanda. Hic affectus etiam inter stimulantia manifeste locum habet. Torporem enim & pigritiam abigit. Debilitati pavidos corripienti sese opponit. Vires roborat. Nervosus devenit homo & ad actionem aptus. Cor & arteriæ pleno iectu replentur & evanescunt, liberè circumvehuntur humores. Corpus quasi insensibilius devenit, & ad insueta agenda ferendaque mirificè disponitur.

Ex dictis videmus, quod Animi fortitudo spei valde assimiletur. In his tamen discrepat, quod tales non junctam habeat voluptatem, nec tam vegeta sit, sed ad majorem gradum Corpus pro tempore confirmat. In his morbis ubi valet spes, valet etiam fortitudo, præcipue contra morbos endemicos, epidemicos, contagiosos, ut scorbutum, febres putridas, pestem (*d*), variolas, morbillos &c. sistema optimè corroborat, tanquam spes semper fere prodest, & tanta datur similitudo effectus ejus inter, & signa corporis sanitatem indicantia, ut raro nocere possit.

**GAUDIUM**, vel voluptas ex boni possessione aut malo evitato. Effectus hujus Pathematis a spei effectibus minus differt natura, quam gradu. Spes aucta in gaudium transit. Gaudii moderati phænomena & spei tantam habent similitudinem inter se, ut inutile sit, repetere hic quod supra dixi. Quando fortiter agit tamen effectus producit multo vehementiores. Tanquam stimulus vivax & jucundus cordis & arteriarum micationem adauget. Pulsus frequens inde & magnus. (*e*) Principium vitale vivide erigit, torpidum & languidum corpus fuscitat

(*b*) *Sermo Acad. sec. Pag. 58.* (*c*) *Vid. §. 21. Not. (n)*

(*d*) *Vid. DIEMERBROEK de Peste.* (*e*) *Hoffman. Medecin. ration. Tom. 3.*

tat & roborat. Grata & delectabilis sensatio, jucunditas quædam & spirituum alacritas, verbis non facile depingendæ, in corde, pectori, facie & denique universo corpore sentiuntur. Primo gaudii impulsu systema nimis perturbatur. Cor ad palpitationem usque agitatur. Crebriores ejus micationes circulationem pulmonalem adaugent, inde respiratio crebrior. Motus vasorum in glandulis lacrimalibus valde intenditur, & ad secretionem fluidorum stimulantur glandulæ. Hinc lacrimarum profluvium & ex auctu vasorum in hac parte motu, calor & rubor faciei. Tantam animo & corpori confert hæc affectio alacritatem, ut impatiens deveniat homo gaudio affectus, tranquillitatis, & cordis hilaritatem adstantibus manifestare motu quodam corporeo, saltu, manuum complosione &c. gestit. Post primum impetum tamen gaudium cum quadam Animi tranquillitate, & sensu tristitiae non ingrato, conjungitur.

Ex his colligemus hunc effectum eandem exhibere vim quam stimulantia blandiora & actuosa. Ad gaudium moderatum pertinent omnia de spe supra dicta. Sed ut effectus ejus pro maxima parte violentiores sunt, sic etiam aliquando ad morbos curandos efficacior devenit. In temperamentis frigidioribus leucophlegmaticis, quæ nervorum torporem, segnitiam, humorum lentorem, frigus, lassitudinem experiuntur, multum prodesse potest hæc Animi affectio. Gratus ille & agilis stimulus per totum systema diffusus vires naturæ torpidas ciet, circulationem vividiorem promovet, & inde ad obstrunctiones referandas, a sanguinis languore incipientes, optimè conductit. Fatuitatem, (f) & paralysin sanavit gaudium (g). Modus agendi ex characteribus hujus Pathematis affatim apparebit. Fatuitas, a functionum torpore & stupore, a nimia debilitate, vel paralysi quasi & insensibilitate partis affectæ, oriri potest (h); vel a tali vasorum minimorum constrictione in cerebro, quæ in aliis corporis partibus accidit. In utroque casu gaudium subitaneum vegetam & regularem vis vitalis actionem excitando, vires novas suppeditat, constrictiones tollit, sensibilitatem diminutam auget, & sic quasi a somno exergefit fatuus. Simili modo in paralysi, virtute quadam electrica interne agens, gaudium partes torpidas & semimortuas ad pristinum vigorem & activitatem solitam fuscitavit, tantam, ut sic dicam, dotem vis nervosæ partibus suppeditans, quantam per morbum amiserunt.

Quem-

(f) Ill. HALLER. Element. Tom. V. Lib. XVII. TULPII Observ. Lib. I. Cap. XXII.

(g) Ill. GAUB. Serm. Acad. alter. pag. 59.

(h) Infania est nimia Sensatio, Stultitia nimis parva. BATTIE. In fatuo nimis debilis est humorum Circuitus, minus sensibilia organa sensus. HAL. Tom. V. Lib. 16. Sect. 2.

Quemadmodum hæc affectio magno cum impetu aliquando agit, mirum nobis non videre debet, si multum mali inde gigni possit. In temperamento sanguineo morbos inflammatorios, febrim acutam, actionem vasorum supra modum excitando, induxit. In hominibus nimia nervorum sensibilitate & irribilitate præditis, vel cum summa vehementia agens, infaustissimos procreavit effectus. In epilepsiam, catalepsin, deliria, apoplexiā, & etiam subitam mortem inciderunt homines (i). Epilepsiam & catalepsin producit gaudium, non per leges operandi huic effectui peculiares, quæ potius ad hos morbos curandos pertinent, sed ut supra demonstravimus, homines, & præcipue sexum sequiorem delicatiōri nervorum compage instructos, ad tales morbos prædisponi, & omnia quæ tranquillitatem tum Animi, cum corporis perturbant, sive grata, sive ingrata sint, symptomata epileptica, hysterica, & alia posse producere (k). Delirium cerebri irritationem pro causa agnoscit. Apoplexia ex nimio sanguinis profluvio & vasorum fortiori actione rupturas, vel cerebri compressiones producentibus, provenit. Hoc probat calor ille, & rubor facei, ex sanguinis impetu & vasorum motu aucto, oriundi. Mors subitanea ex nunciis exoptatis improviso annuciatis, cujus multa in historia dantur exempla (i), attribui debet, ut mihi videtur, percussioni illi cordis vehementissimæ, quam omnes gaudio correpti plus vel minus sentiunt. Cor ad irritamenta sibi propria valde sensibile esse, Anatomia & Physiologia demonstrant. Non incongruum est igitur ponere, quod virtus vitalis quasi collecta, & cum summo impetu in hac parte se se exserens, nervos exquisita sensibilitate instructos tam male afficiat, ut cor debilitatum & fractum, ut sic dicam, impotens fiat ad contractiones subsequentes. Inde puncto temporis momentum illud vitale, à quo omnia vitae munera pendent, uno ictu sistit, & mortem inopinatam inducit (l).

Sub gaudii nomine complectitur hilaritas & jucunditas, vel ad exercitationes ludicas, risus, facetias animus proclivis. Effecta hujus proclivitatis spei & gaudio tam similia sunt, ut inutile sit seorsim characteres præcurrere. Systema nervosum per lætitiam plus excitatur, quam per

(i) Vid. Serm. Acad. 2. HOFF. Med. rat. Tom. V. HALLER. Tom. V.

(k) Vid. Pars prim. §. XV.

(l) Diagores, Rhodius, Dionysius, Sophocles, Philippus præ Gaudio defuncti sunt. Spartana mater inter ipsos amplexus reducis Filii, quem in acie cæsum putavit, mortua corruit, præ nimio & subito Gaudio. Vid. VAN SWIET. Comm. in Aphor. 1305. Feminarum præcipue & gaudia insigna erant & luctus. Unam in ipsa porta sospiti filio repente oblatam in conspectu ejus expirasse ferunt: alteram cui mors filii falso nunciata erat moestam sedentem domi ad prium conspectum redeuntis filii gaudio nimio exanimatam. Liv. Lib. XXII. Cap. 7.

per gaudium, tamen circa cor parva est voluptatis sensatio: nec post primum insultum tam tumultuosum est gaudium, sed potius Animi amorem tranquillitatem gignit. Per debitam moderationem refrænata hilaritas procul dubio ad sanitatem maxime conducebit, effecta spei & gaudii producendo. Tristitia & curas corrodentes divertit, dispellit. Vires refocillat, & relaxatione tempestiva, vim animi & corporis renovat, & ad labores solitos sustentandos aptiorem reddit hominem. Optime itaque valet in corporibus curis & anxietate debilitatis, & nimia attentione Animi ad studia severiora defatigatis (*m*). Hilaritas tamen immodica contrariis punitur: debilitat corpus, vires prosternit, lassitudinem, torporem menti & corpori, cum malis inde sequentibus, inducit.

Ad medicamenta igitur ejusdem generis cum spe gaudium moderatum pertinet, paulo fortiora tamen, vel majore copia adhibita. Gaudium immoderatum, & hilaritatis excessus, tamquam vini generosi nimia indulgentia, vim vitalem ultra modum & nimis diu excitans, denique debilitatem necessario producit. (*n*)

AMOR hic adfectus latiori verbi significatione definiri potest alicujus rei oblectamentum. Si ad gloriam honoresque spectat, *ambitio* vocatur, & prout fortitudo vim & vigorem corpori impertit. Vehementia desiderii saepe sustentatur homo ad ea peragenda, quæ supra vires humanas fuisse credebantur. Quando ad pecuniam coacervandam impellit, *avaritia* nominatur, & saepe cum animi anxietate, & curis mordentibus consociatur. Amor ille, qui genus humanum complectitur, nomine *benevolentiae* distinguitur, qui selectas personas, *amicitiae*, & modo cum tristitia, modo cum gaudio associatur, sicut *amicus* rebus adversis vel secundis versatur. Quamvis magna in medicina hinc non exspectanda, tamen benevolentia, & amicitia manifesto ad illa pertinent, quæ debitæ vis vitalis actioni favent.

Amor inter sexum diversum, omnium animi affectuum violentissimus, tam varios affert effectus, ut difficile sit phænomena huic affectioni peculiaria depingere. Desiderium honestum & mutuum in amantibus be-

(*m*) Inde forsan appetet ratio, cur qui febribus nervosis, & chronicis morbis, per Animi languorem & diurnas cuius natis, vel auctis, iactant, saepe remedia inventiant in hominum consortio, quæ incassum a medicamentis quæsiverant. Nec improbabile est, quod Aquæ Spadanæ, Bristolenses, Tunbridgenses &c. præcipuum efficaciam perderent, si ægri ad hæc loca confluentes, exercitiis ludicris carerent. Qui talia consortia petunt, curas domi relinquunt, & pro tempore vacant ab omni Sollicitudine & Animi anxietate, Sanitati tam exitiali. Nisi forsan infortuito casu pecuniam amitterint chartis pœnis, vel alis ludendo.

(*n*) Vid. Par. prim. §. 18.

benevolentiam & amicitiam generosissimam gignit, eorum felicitatem vult, & diligenter promovet. Hæc affectio suavitate amicitiae conjunctissimæ fruitur. Oblectamentum magnum Animo inspirat, & gaudium continuum, quadam tamen serenitate, & dulcitudine, aliis gaudiis aliena, commistum. Tanta est Amoris potestas, ut ferocissimos mansuetat, & indomabiles tam placidos ac oves reddat.

In paroxymo Amoris, quando Animus ad blanditias propendit, agitatur cor. Voluptatis sensatio inde proveniens ad pectus, faciem, labia, oculos, & denique totum corpus se extendit. Arteriarum augetur Diastole & systole; hinc plenus potius, quam frequens devenit pulsus, qui vasa a constrictione libera indicat: perspiratio porro liberrima promovetur, ab aucta vi circulationis cum vasis cutaneis apertis orta; corpus calescit; facies rubet; oculi scintillant; ex humorum abundantia in arteriis lymphaticis, & circulatione velociori. Respiratio laborat. Quod redditui sanguinis crebriori ad pulmones, cum quadam muscularum respirationis hebetudine, attribuas. Pulmonibus onoratis, sensus molestiæ ad thoracem dilatandam incitat, inde suspiria intervallis repetita. Quamvis tali modo excitatur vis vitalis, aliqua potentia sedativa tamen conjungitur, nam ad activitatem & hilaritatem neutquam excitat, sed potius quamdam dulcem hebetudinem, indolentiam, & mollitiem systemati inducit.

Hæc gradatim augmentur, donec ad appetitum venereum conducant. Cupidine Inflammato cor palpitat, pulsus acceleratur cum inæqualitate (o). Vires Corporis mirifice adaugentur usque ad tremorem. Calor & æstus per totum corpus diffunduntur cum systematis nervosi summa sensibilitate, præcipue in labris, mammis muliebribus, & pudendis. Hic enim tendit summa desiderii vis. Imaginatio lasciva arterias virgæ virilis stimulat ad sanguinem in corpora cavernosa effundendum. Turgit penis, & sensibilitate exquisita donatur. Simili modo turgent papillæ mammarum, clitoris, & nymphæ muliebres; glandulæ vicinæ ad secretionem fluidi mucosi ad partes lubricandas etiam stimulantur. Cupidines usque ad furorem accenduntur. Cum impetu se mutuò petunt, conjungunt, & motibus convulsivis in voluptatibus dissolvuntur.

Quamvis tam varia sint phænomena hujus affectionis, vides tamen illa per leges supra positas resticta esse. Aliquando vigor auctus cum quadam vi sedativa uniri potest: aliquando cum contractionibus spasticis aut convulsionibus. Quædam vis generalis, ut sensibilitas aucta, sedem habet etiam topicam, ubi potentia ejus præcipue se manifestat: quod omnia tamen ad vis nervosæ diversam actionem, hic torporis, & illic activitatis productricem, referri debeant, liquidè appareat. In hoc ad

fectu influentia nervosa in vasa præcipue expenditur, & nervos ad sensationem instructos; inde forsan in musculis hebetudo hæc (*p*).

Similitudo magna mihi videtur esse effectus amoris inter & aliquorum narcoticorum, antequam vim narcoticam nimis violenter exhibeant. Pro stimulo validiori imprimis inferviunt: postea huic adjungunt quandam pigritiam amœnam, & muscularum jucundum torporem. Sed tametsi sensus acutior obtundatur, voluptas tamen corporea remanet. Somnolentia simili modo ad dolorem insensibile reddit corpus, sed quadam voluptate conjungitur. Sic, ut mihi videtur, amor in corpus agit antequam in libidinem impetuosam transeat. Hinc porro apparet ratio, cur temulenti, & qui calore lecti cum potentia sedativa somnolentiae fruuntur, ad blanditias amoris maxime proclives sint.

Post seminis emissionem tumultui desiderii succedit Animi & corporis resolutio, summa tranquillitas, mollities, debilitas, tristitia, fastidium quoddam, visus hebetudo. Hæc vis sedativa, ut sic dicam, defatigationi attribuenda, & convulsionibus, quæ semper fatigant, magnam enim vis nervosæ impensam faciunt; & etiam seminis absentia, cujus præsentia, per vias nobis incognitas, ad robur & vigorem corporis valde conducit, dum ad amoris blanditias incitat (*q*). Oculorum hebetudo subitam evacuationem vasorum, quæ jam nunc nimis repleta & distenta fuerunt, agnoscit. Vis illa motrix in inertiam & debilitatem mutatur, inde pro tempore flaccida deveniunt vasa.

Hæc tenus non locutus sum, nisi de effectibus amoris reciproci & utrinque palam affirmati. Aliter multo tamen agit hæc affectio, quando sub aliis conditionibus invenitur. Homini alicujus amore flagranti, & de eventu amoris incerto, perturbationibus diversis misere jactatur animus. Spes, metus, gaudium, mœror, invidia, suspicio, desperation, mentem amatoris ardentis vicissim elevant, deprimunt, angunt, & notas singulatim corpori imprimunt. Adeo fascinatur illecebris amatæ procus, ut hæc Animi attentionem die nocteque occupent. Somnus & requies longè fugiunt, appetitus prosternitur, ad omnia alia insensibilis.

(*p*) Vid. Par. prim. §. XV. not. (*r*)

(*q*) Quemadmodum affectio Amoris, quamvis in initio purissima fuit, denique cupiditates excitat: sic Seminis copia ad benevolentiam & amicitiam erga sexum, & ad actiones summa benignitate confertas, disponit Animum. Ex altera parte, nimia indulgentia & virium Exinanitio per voluptates venereas, fastidium & quasi odium gignit. Hinc neminem cogitante latet, quam magni momenti futurus sit prudens & modicus Veneris cultus inter conjuges, ad vitæ tranquillitatem & amœnitatem. Hac regula observata crederem fore, ut non videremus vitam conjugatorum rixas inter & suavia dividi. Nec amoris paroxysmis succederet tam frequenter fastidium & odium. Hoc omnium optimum est Philtrum.

obilis devenit amator. Nec cogitat, nec spirat, nec sentit, nisi amorem.

Hoc imperium summum amoris & late patens, varia & opposita inducens Phænomena, multum boni vel mali efficere potest, ut res sese cuius manifestat. Nunc ut stimulus benignus, moderatus agit. Vires lehiter refocillat. Animo oblectamentum & jucunditatem tribuit, corpori semper salutaria. Remedium dulcissimum præbet contra tam multas & varias vitæ molestias, quum scilicet amor reciprocus amicitiae egregiæ species sit. Nunc stimulus fortior devenit, & sicut alia stimulantia, secundum suum impetum & corporis temperamentum, modo nocere, modo prodesse potest. Menses scilicet intempestivos elicuit amor (r); vasa sanguinea enim in partibus generationi destinatis præcipue stimulat; calorem excitat. Inde in temperamentis calidioribus, vel vasis debita firmitate carentibus, vel appetitu ultra modum excitato, mensum proruptio facile accideret. Febres sanavit. Febres ardentes accedit. Sed si primum insultum intermittentis cum effectibus appetitus venerii conferas, conspicue apparebit, quomodo conducat amor ad paroxysmum febrilem oppugnandum. Vasorum constrictioni opponitur eorum relaxatio; torpori universali, vigor; debilitati, robur; frigori, calor. Fugiat tamen coitum æger, qui ut ex phænomenis liquet, proclivitatem ad paroxysmum febrilem auget. In febribus nervosis etiam prodest. Animi dejectio & virium prostratio feliciter sic expugnantur. Paralysin minuit, superavit (s); vegeta vis vitalis actione huic Torporis speciei sese opponente. Insultum hystericum superavit coitus (t). Sensatio omnis viva in corpore excitata, cum voluptatis, tum doloris, paroxysmum suspendit, vel correptam reanimat. Aneurysma aortæ produxit amor (u); ex cordis aucto impetu. Vires refocillat, restaurat in temperamentis frigidis, torpidis, chloroticis. Circulationis languorem corrigit, novamque vim & vigorem excitat. Hinc sagaciter autumavit Cel. Præceptor, frigidos marcidosque senes plus receari blando calore, & revirescere cum puella formosa concubantes per amoris blanditias, quam per quædam effluvia a corpore juvenili exhalantia (v).

In genere, amoris impulsus sanguinis circulationem ad exteriora promovendo, corpus ad omnem aliam impressionem insensibile reddendo, vim vitalem vivide excitando, contra mala opposita optime protegit systema. Ut vinum & hujus modi stimulantia, potestate corroborante prædita,

(r) HALL. *ELEM.* Tom. V. Lib. XVII.

(s) Ibid. (t) VID. DURETUS *PRAX. MED.* Lib. 4. (u) HALLER. (v) SERM. Acad. alt. p. 60.

dita, contra frigus, miasmata roborat, & quasi invincibilem reddit hominem (x). Quando cum spe & gaudio conjungitur, omnium pathematum efficacissimus devenit amor contra vires corporum nocivas. Post coitum tamen ad hæc mala maxime disponitur corpus, ut ex phænomenis liquet. Valde noceret procul dubio orgasmus venereus si diu remaneret: sed nunquam cum summa agit vehementia, nisi eodem momento, quo cessat: & transitio hæc subitanea ad debilitatem & languorem pro antidoto validissimo inservit.

Sed quum cum tantis & diversis Animi perturbationibus conjungitur amor, funestissimos sæpe gignit eventus. Pathematum certamen & lites, transitio subita ab hoc ad illud violentissimum: imperium mœroris, invidiæ, desperationis: animi attentio ad rem adamatam die nocteque, cum summa cura & anxietate: somni & cibi privatio: omnia in unum conspirant ad vires frangendas, corpus & Animum debilitandum, & varios infinitosque producendos morbos. Alii in epilepsiam vel catalepsin incidunt. Alii in morbos hystericos, febres hecticas, nervosas. Applicatio Animi assidua tandem talem inducit consuetudinem, ut ad alia non valeat Animus facultates applicare; hoc cum virium Consumptione melancholiæ gignit; vel a spei frustratione & summa desperatione, furor, insaniæ, nascuntur.

Aliquando hoc pathematum certamine amor ipse mala superat, quæ amor induxit. Cujus dat exemplum TULPIUS. „ Juvenis Britannus, „ impensius Amori indulgens, perculsus fuit adeo vehementer ex ino- „ pinata matrimonii repulsa, ut obrigerit instar stipitis, sedens in sedi- „ li suo, sive detentus sive congelatus per integrum diem, retinensque „ continenter eundem situm, & oculos non minus apertos &c. Verum „ ubi exclamaretur alta voce rem ipsius meliore esse loco, & cupitam „ habiturum amicam modo ad se reverteretur, profiliit confestim ex- „ sedili, & quasi excitatus ex profundiori somno, rediit actutum ad- „ se.” (y)

In hoc casu animi consternatio catalepsio attulit; quam in hominibus systemate sensiliori instructis, vel cum summa vehementia agentes omnes perturbationes animi afferre possunt. Sed Gaudium hoc subitum, violentiæ doloris proportionatum, secundum hujus pathematis natu-ram, vigorem salutarem momento temporis per totum sistema distri- butit.

PUDOR, vel perturbatio animi a læsæ famæ imaginatione. Hæc ad-

(x) De quibus pluri supra dixi, quum de spe disputavi.

(y) Vid. TULPII Observ. Med. Lib. V. Cap. 22.

adfectio sœpe cum timore, vel metu conjungitur, & phænomena producuntur huic pathemati peculiaria. Sed in iis quorum nervi sensiliores sunt, & qui ob honoris vel dedecoris eximiam sensibilitatem ad minimam rubent, crebro nulla, vel parva datur mutatio in cordis actione. Vasa cutanea tamen faciei, pectoris, & aliquando totius corporis, quamvis minore gradu, ad micationes violentiores excitantur. Rubor inde & calor diffunduntur, quem pruritus sensus aliquoties comitatur. Vis pathematis tamen in faciem præcipue irruit. Illa colore altiori suffusa est. Oculi scintillant, & lusciosi fiant. Impatiens observationis Pudicus oculos aliorum effugit, & in terram deprimit, figitque suos.

Litigatur inter Physiologos, quæ sit hujus ruboris causa? Aliqui volunt cor vi pathematis in contractionem validiorem cieri, & inde sanguinis majorem copiam per carotides, quæ primum cordis & aortæ momentum recipiunt, ad faciem provehi. Sed multa huic hypothesi esse opponunt. Omnis cordis micatio validior sanguinem ad os non præcipue propellit, quod fieri deberet, si hoc in causa esset. Carotides internæ sanguinis auctum volumen accipere debent: quod vel apoplexiam, vel infaniam minaretur. Sed nullum hujus naturæ observatur symptoma. Porro, calorem hunc & ruborem, cordis auctus motus plenumque non concomitatur. Palpitat cor admisso metu, & spirituum nimis perturbatione, sed nunc vasa cutanea constricta pallorem potius inducunt; & quasi certamine pathematum, pudoris scilicet & metus, corabit, redditque vicissim. Itaque in rebus minoris momenti, ubi parva est anxietas, nec ullus cordis auctus motus percipiendus, altiori colore rubescit Pudicus, quam in rebus summi momenti. Hic enim per alternas vices rubescit pallescitque, ahxietae & metu cum pudore connectis.

Celeb. HALLER ruborem ad venarum constrictionem per filamenta nervosa, sanguinis a Cerebro redditum obturantia, refert (z). Sed ut notavit Clar. WHYTT, calor & color roseus minime cum sanguinis stagnatione quadrant; & potius circulationem velociorem cum sanguinis volumine aucto indicant (a). Arteriolis rubris itaque excitatis, ad summam reducitur verisimilitudinem, talem communicari actionem sympatheticis, quæ ad oculos tendunt, & aucta humorum circulatio, vel in cornea, vel in retina, vel in utraque, visus habetudinem facile inducere potest. Hinc forsan nervus opticus nil nisi impressiones promiscuas sentit, & humorum aucta copia in cornea radiationem a depresso cursu declinando, aliud ad visionem claram adfert obstaculum.

Cui-

(z) Prim. l. m. §. 54.

(a) *Observations on Irritability.*

Cuicunque itaque vasorum irritationi hæc phænomena attribuo, milietiam videntur probare, nonnulla Animi pathemata, æque ac plure aliæ res vi stimulante donatæ, determinationem topicam præcipue habere. Hæc porro rationem demonstrant, cur pudor raro magnas inducat mutationes, aut salutares, aut nocivas. Vis vitalis enim per totum systema non valde agitatur, ad externa corporis sola tendit pathematis impetus, non valet itaque functiones ulla lædere. Cæcitatem a tempus inducere potest (b). Hæc tamen ab humorum aucta circulatione orta, cum causa statim cessat. Menses a pudore suppressos suist dicitur (c). Hoc metui conjuncto attribuendum est. Pudoris effectus enim vix unquam ad gradum notabilem per totum corpus diffunduntur & fac, ut res sic se habeat, mensium profluvium potius, quam obstruktionem cierent. In habitu ad cutis inflammationem proclivi erysipelas, vel excitare, vel augere poterit. Sed hujus rei fateor me exemplis carere.

IRA, vel tædium vehemens ex injuria allata cum vindictæ cupiditate. Hoc pathema totum systema maxime perturbat. Vix datur aliud, quod cum majori vehementia agit. Cor fortiori percussione maciat. Arteriæ magno laborant pulsu. Os rubore suffunditur, torvum vultuosum apparet. Oculi scintillant, & ignei deveniunt. Calor irritans per faciem sentitur. „ arteriarum capitis præsertim circa tempora manus, jor est pulsatio & intumescentia” (d). Æstus ingens per totum corpus acceditur. Modo perspiratio promovetur, modo candens & sicca devenit cutis. Robur summè augetur, & a facinoribus ferociissimis vix catenis cohibetur iracundiâ ardens; aliquando musculi per nimiam energiam contremiscunt, & tanta fit commotio, ut vasa minimi spastica arctissimè constringantur. Nunc pallidum devenit os, labi quatuntur, dentes fortiter comprimuntur. Horrent & eriguntur capilli, constrictis cutis poris. Cor vehementer palpitat, & arteriarum constrictione pulsus ante frequens, nunc durus etiam & parvus redditur. Anxetas circum præcordia oritur, cum respiratione laboriosa ex sanguinis accumulatione in internis, & rapido ad pulmones reditu, cum pectoris constrictione conjuncto.

Tam evidens, quam evidentissimum est, quod hæc phænomena enormes potentiae vitalis commotiones pro causa agnoscant. Cum summo impetu flagrans hoc pathema, optimum etiam ostendit exemplum effectuum in omni genere, qui vim motricem nimis agitatam comitantur

---

(b) Ill: ALBINI *Prælectiones Physiol.* (c) HALLER *Element.* Tom. 5. (d) HOFFMAN. *Rat. Med.* Tom. 3.

tur. Cordis arteriarumque crebrior fit micatio, minima vasa spastice constringuntur, & musculi nimia vis motricis energia contremiscunt (*e*).

Hæc Animi perturbatio, ut ex ejus actione liquet, inter stimulantia vehementissima, qualia sunt liquores spirituosi, solis ardor in temperamentis calidioribus, venena multa, quæ totum agitant systema, locum habet. Et quod in illis etiam observamus, secundum corporis indolem & gradum actionis, varia & opposita inducit effecta. Quibus vires vitales languescunt, ut in temperamentis frigidioribus, leucophlegmaticis, paralyticis, moribundis, impetu suo actuoſo debitas subministrat vires, & novo vigore animat. Legimus inde de mutis præ ira in verba prorumpentibus (*f*), de morte per septem integras dies etiam retardata (*g*). Febrim intermittentem sanavit iracundia (*b*), vel paroxysmi incipientis torpori fefe opponens per auctam vasorum actionem, vel naturæ nixus minus efficaces fefe a morbo liberandi opportunè adjuvans. In corporibus tamen sanguineis, plethoricis, calefactis, eximia irritabilitate instructis, vel supra modum excitata iracundia, multa & horrenda inducuntur mala (*i*), morbos inflammatorios, insaniam, apoplexiam, febres ardentes, biliosas, cholericas, maculas rubras, nigras, putridas, vomitum, iæterum, volvulum (*k*), alvi fluxum (*l*), hæmorrhagias (*m*), mensium profluviū, paralysin, aphoniam, epilepsiam, catalepsin, morbum hystericum, inde orta legimus.

Quomodo omnia hæc fiant per phænomena supra tradita, huic pathemati peculiaria, facile intelligetur. Febres inflammatoriæ per circulationis velocitatem, cum quadam vasorum constrictione conjunctam, accenduntur: quæ commotioni universali sæpiſſime impetum in quandam partem etiam adjungunt. Vasorum cerebri irritatio, vel insubstantia ejus molli ab ingenti sanguinis copiâ facta compressio, insaniam, vel apoplexiam minantur. In caput enim præcipue tendit pathematis impetus, ut ex facie vultuosa & oculis igneis colligitur. Si in abdominis viscera, mens irâ grava vim suam impendit, bilis hinc secretionem, & excretionem perturbat. Auctâ copiâ & velocitate humorum, vel vasis vi spastica constrictis (*n*), vomitus biliosus, iæterus, alvi profluviū immodicum, cholera morbus, volvulus facile generari possunt. Ad hæc producenda conspirant etiam cutis constrictio humores ad interiora repercutiens; intestinorum contractio spasmodica per pathema ipsum immediate inducta. Hæmorrhagiæ, mensium proflu-

(*e*) Vid. Par. prim. § XIV. (*f*) Ill. ALBINI *Praelect. Physiol.* (*g*) Ill. GAUB. *Sermo Acad. alt.* (*h*) HOFF. *Med. Rat.* Tom. 3. (*i*) Vid. HOFF. *Med. Rat.* Tom. 3. ad Caput VI. Sect. I. (*k*) TULP. *Observ. Lib. I. Cap. 41.* (*l*) HOFF. l. c. (*m*) CLAR. HALLER. Tom. V. Lib. XVII. (*n*) HOFF. l. c.

fluvia ad sanguinis impetum in partibus affectis referenda. Macula rubræ, nigræ, sanguinem forsan bile tinctum in membranam cellulosam vi circulationis depositum, demonstrant. Catalepsis, epilepsia ad nervorum indebitam sensitatem spectant (o), paralysis ad musculos a nimia energia debilitatos. Arthritidem sanavit ira vehemens (p) Quæcunque sit hujus morbi natura vel causa, speciem se demonstrare esse inflammationis, & scimus stimulantia externe applicata, ustionem scilicet, & urticationem aliquoties morbum sanasse, crisin forsan expediendo. Simili modo, ut videtur, iracundi summa animi agitatio, vasa ad vehementissimam actionem excitando, solvit morbum.

Verbo, quamvis infinita sint mala per iram effrenatam inducta, tamen ad easdem referri possunt leges, quibus omnia corpora stimulantia quæ vim vitalem immaniter excitant, diriguntur.

TERROR, vel subita Animi perturbatio ab mali *adstantis* imaginatione. In hoc a metu discrepat, qui ad malum futurum refertur.

Distincte contemplatus terror motum subitaneum convulsivumque per omnes corporis partes excitat. Cor vehementer percutitur, & saltu quidam fortis sentitur. Corpus, quasi quodam instinctu in situm, ac malum impendens propellendum aptissimum, disponitur. Valde pro tempore roborat terror, & collectis viribus impetum vehementissimum facit perterritus ad seipsum a discrimine liberandum, vel celeritate incredibili fugit, si via ad fugam patet; insolita muscularis suppeditata agilitate, insolitusque viribus. In momento discriminis nil sentit, nil cogitat, attonitus, nisi de periculo; sed postea circulationem valde perturbatam invenit. Cor palpitat. Respiratio laborat, vi motrici cordis valde aucta & circulatione, quæ inde pendet. Vasa cutanea & forsan omnia in corpore vasa constringuntur. His causis unitis, vasum constrictis nempe, & circulatione perturbata, pulsus fit inæqualis, parvus, contractus.

Hoc Pathema plerumque cum metu conjungitur & effecta sistit metui peculiaria. Incertus sum itaque utrum vasorum constrictionem illian huic, attribuere debeamus. Certissimum est tamen, illos, qui præsystematis nervosi irritabilitate, levioribus de causis perterriti sunt, post pathematis percussionem, calorem cum rubore, & aliquando sudore coniunctam, sentire, quæ metui contraria indicant phænomena. Observandum est porro, quod, quo magis improvisum sit discriminus, eo minus phænomena metui propria se manifestent. Si parvum temporis intervallum in-

(o) Vid. Pars prim. §. 12.

(p) Clar. GAUB. Serm. Acad. alter.

intersit, ita, ut animus periculum contempletur, tunc metus terrori arctissime nubit.

Remediis caremus interne applicatis, quæ similem motum subitaneum, & quasi convulsivum, inducerent. Phænomena hæc tamen ad vim illam electricam, quæ per totum sistema iectu oculi transit, & quæ tanta sit velocitate, ut neque hinc neque inde, impetum suum incipere videatur, sed potius omnes corporis partes, uno & eodem temporis momento, concutiat.

Videamus nunc quibus in casibus hoc pathema vehemens vel proficeret, vel lædere possit. In illis morbis, qui torporem alicujus naturæ pro causa agnoscant, concussio hæc, maxime subita & violentissima, optime conducebat ad vim vitæ compressam & semimortuam resuscitandam, & mala inde orta superanda; simili modo, quo ira agens. Hinc, ut morborum historiæ docent, tertiana a metu nata, per terrorem sanata fuit (q). Muti loquendi usum recuperaverunt (r). Moribundi convaluerunt (s). Paralyticis artubus motus redibat. Menses suppressi redierunt. Melancholici facultates integras recuperaverunt (t). Insultui epileptico nunc occurrit, nunc epilepsiam & catalepsin producit (u). Arterias cum magna hæmorrhagia aperit (v). Modus agendi, ex pathematum descriptione supra tradita, facile colligitur. Hæc phænomena docent, quod vasorum constrictio & torpor ille, qui in metu exseritur, terrori non sint essentiales. Commotio hæc subitanea enim conatui ad contractionem in vasis, & torpori a metu inducto, sese opponit, & aliquando circulationem auget usque ad arteriarum hæmorrhagias (x).

Hactenus non tractavimus nisi de illis pathematibus, quæ functiones perturbant per indebitam actionem, & eorum organorum vehementem agitationem. Transeamus nunc ad illa, quæ potius functiones torpescere faciunt, & debilitant.

METUS, vel tedium ab mali futuri vivida representatione. Pathema hoc aliquando cum maxima perturbatione & terrore conjungitur, sed separatim contemplatum, torporem sumum per totum sistema diffundit; vasa cutanea valde constringit: inde inhorrescunt pili, & sensus

(q) Ill. HALLER. *Comment.* Tom. 5. (r) Ill. GAUB. *Serm. alter.* (s) Ill. HALLER. (t) Ibid.

(u) *Serm. Acad.* HALL. Epilepsia inveterata periodice recidiva, per Terrorem suspenditur, agitatione hac violentissima sese Insultui opponente. In aliis tamen hominibus, nimis sensibilitate præditis, commotiones per Terrorem concitæ, supra vires corporis fiunt. Systema nervosum nunc cum summa irregularitate agit, & functiones Cerebri pro tempore abolentur.

(v) Ill. HALLER. (x) HALLER.

sus constrictio[n]is per totam compagem sentitur. Vasorum constrictio[n]es ad interiora pellit circulationem, pallidus itaque devenit pusillanimus, & ex torpore universali, frigidus. Pallescunt oculi, & ad fundum orbitae fere recipiunt. Labra livida tremiscunt. Animi potentia in musculis tollitur: hinc debilitas, inactivitas, tremor, motus & fugiendi impotentia, sensus ponderis enormis in artubus. Sphincteres musculi, qui, in statu naturali, energiam quandam requirunt ad munera sua perficienda (y), relaxantur, nec valet Animus relaxationem inhibere. Humorum cursus internus, & sphincterum relaxatio[n]es, alvi submissionem involuntariam, & urinæ profluvium producunt. Urina etiam per vasorum constrictio[n]em pallida devenit. Nervorum sensibilitas in genere diminuitur, attamen ineffabilis sentitur anxietas circa cor & præcordia. Hoc phænomenon ex sanguinis accumulatione in his partibus, atque ex cordis ipsius constrictione, cum aucta ejus irritabilitate, originem suam repetit. In cor enim pathema magnam vim exserit, & ejus nervos dolore insolito afficit; inde irritabilius redditur: sanguine onoratum tamen non valet plene i[n]tu fere liberare. Hoc itaque repetitis i[n]stibus tentat. Cum metu porro conjungitur saepissime terror: qui cor agitat, quamvis vasorum constrictio saltui fortiori resistat. Vasis constrictis, & corde irritato, pulsus parvus, durus, inæqualis fit. Aliquando vasa cutanea nimia energiâ constricta, debilitantur, tonum amittunt, aperiuntur, & sudores frigidos generant.

Ex hac metus delineatione clare patescit, quod hoc Pathema inter non naturalia, quæ sedativa fortissima vocantur, locum habeat, qualia sunt frigoris summus gradus, vapores putridi, saturni præparatio[n]es chymicæ; omnia hæc, vasa cutanea fortiter constringunt, vel potius, ad contractionem stimulant. Hinc actionem eorum liberam, & operationes inde pendentes, lædunt. Motum muscularē debilitant, & potentiam eorum motricem torpescere faciunt; vi vitali forsan in vasa nimis intense agente (z).

Neque ex his metus effectibus latet, quo in casu noceat, & quando beneficia sua corpori inferre possit. Si mutationes, quæ ab hoc patheme proveniunt conferas cum febris putridæ, pestiferæ, morbillosæ, intermittentis &c. primo accessu, arctissimam invenies analogiam. Hæc enim cum languore, virium prostratione, frigore, vasorum minimo[r]um constrictione incipiunt. Hinc liquidum est, quod metus ad illos morbos corripiendos maxime disponat corpus, & cum materia contagiosa cooperans symptomata multo graviora faciat. Vires enim corporis

(y) Clar. WHYTT's *Essays*.

(z) Vid. Par. prim, §. 14. (r.)

poris jamjam debilitatæ sunt. Languore & Torpore corripitur miserimus homo: minime igitur resistere potest violentiæ causæ morbosæ (a). In morbis etiam, qui exanthemata expellunt, hoc pathema maxime nocet (b); vasa cutanea enim constringit; vires naturales debilitat. Pustulæ hinc erumpere impediuntur, vel eruptæ retroaguntur. Quod semper morbum graviorem reddit, sæpe funestum. Dysenteriam excitat metus (c). Humores ad partes internas repercutit, & sphincteres relaxat.

His adjungamus necesse est, mala a vasorum constrictione immediate orta, ut mensium suppressio, tumores scirrhosi &c. (d). In glandulis mammarum lacte repletis, & metu subitaneo compressis, orti sunt ejusdem naturæ tumores (e). Lactis parte fluidiore absorpta, reliqua indurescens tumores scirrhosos produxit. Gangrenas, & vulnera reddit lethalia (f). Quasi ut adstringens sedativum vehementissimum agens, vitam partis destruit. Vires ad venerem necessarias frangit. Ad hoc omnia contribuunt. Amor eum metu subsistere non potest, & eorum effecta in corpus contraria sunt. Desideria tolluntur, arteriæ constringuntur, & debilitantur musculi. Amaurosis, melancholia, epilepsia, syncope, amentia diurna a metu generantur. Torporem ineffabilem, & insensibilitatem nervis inductam, vasorum arctissimam constrictiōnem, & summam debilitatem, quibus una vel altera facultas opprimitur, vel debilitatur, hi morbi pro causa agnoscunt. Ad talem torporis gradum pervenit metus, ut vitam ipsam extingueret. Hoc etiam fieri potest a sanguine retropulso, & in corde collecto, unde vitæ suffocatio.

Potentia tamen hæc sedativa, in aliis corporis conditionibus, magna utilitate pollet. Vim & irritabilitatem vasorum pacavit, & quasi per miraculum morbos huic vitio proprios, sanavit. Podagra sic subito suppressa fuit. Insani pristinam facultatem, & rationis usum, recuperaverunt. Hos morbos ab inflammationis diversis speciebus oriri, apud omnes in confesso est. Vis illa sedativa itaque, quamvis in corporibus sanis multum mali induxit, in his affectionibus exoptatam exseruit

(a) Vid. DIEMERBROEK *de Peste*. (b) Vid. HOFF. *Rat. Med.* Tom. I. 3. (c) Ibid.

(d) Dicitur quod concretiones polyposæ inde generari possint. Sed observavit *accutissimus Anatomicus* Cl. HUNTER, omnes concretiones polyposas, quas in cadaveribus invenit, in vasis majoribus circa cor sese formasse, & tales habuisse sedem, ut circulationem impedissent in corpore vivo existentes. Inde credit, illas post mortem, vel in articulo mortis, formari.

(e) Ill. VAN SWIETEN *comment.* §. 495. Quæcumque sit natura & indoles tumorum, qui in glandulis formantur, scimus omnia, quæ vasa arctè constringunt, hæc in ilia inducere posse. In hoc itaque metus cum aliis rebus non naturalibus Analogiam observat.

(f) Ill. HALLER. *Element.*

ruit virtutem, & ad statum naturalem reduxit potentiam nervosam nimis agitatam. Vasa enim nunc constricta non valent cum tanta vehementia agere, & nervorum insensibilitas efficit, ut causam irritantem minus percipiat pars. Odontalgiam inde metus instrumenti chirurgicæ saepe pro tempore sanavit. Hydropem porro curavit metus. Hæc duæ exempla suffiant. Mulier hydrope laborans, per taurum, quem credebat furiosum, perterrefacta fuit. Statim incipiebat vesicam urinariam evacuare, & urinæ profluvium persistebat, donec magna aquæ copia, in abdomine collecta, exhauriretur. Eiusdem naturæ eventus mulieri hydropicæ accidit, quæ ab equo in terram cecidit illæsa, tamen summè perterrita fuit, & mingendo sese ab aquæ onere liberavit (*b*). Hydrops saepissime a fibris laxis provenit, inde vasa exhalantia auctam aquæ copiam in varias cavitates effundunt, & vasa absorbentia minorem copiam resorbent. In his exemplis cutis per metum perstringebatur, & abdomen compressioni forti & æquali arctabat. Vasa absorbentia, nunc etiam per hoc pathema constricta, debitum recuperabant tonum, & forsitan per terroris summam agitationem in actionem excitabantur. Vesicæ urinariæ sphincter vim contractilem perdebat; huc itaque cursum necessario tendebat fluidum. Omnia igitur, secundum effecta huic pathemati propria, ad aquæ ejectionem ex corpore conspirabant.

Effecta, quæ a metu proveniunt, ad alia phænomena explicanda inserviunt. Imaginationis imperium morbos, vel mortem ipsam intulisse neminem latet (*i*). Modus operandi ex supradictis apparebit, mali imaginarii idea fortis, vividaque, easdem efficiet mutationes cum in Animo, tum in corpore, ac si re ipsa existeret periculum. Sed videmus metum multa agnoscere symptomata morbosa, quæ pro ratione & gradu timoris gravescunt. Qui igitur sibi ipsi persuadet se ægrotare, brevi sentiet multa ægritudinis symptomata, ab anxietate nata. Hæc vim imaginationis augent, & imaginatio iterum symptomata. Ita ab imaginatione vana in morbum gravem revera incidit. Immo, quod magis hanc explicationem confirmat, est, quod morbi, ab imaginatione producunt, semper ad torporis aliquam speciem & languorem pertineant, & nunquam ad functionum nimis violentem actionem.

MOEROR, vel tedium ob mala experta. Varia sunt hujus Animis affectionis effecta, secundum mali naturam, magnitudinem, & vim. Ad primam, & præsertim subitaneam, eventus acerbi annunciationem obstupescit Animus. Cor & arteriæ valde constringuntur, & anxietas ineffa-

(*b*) Clar. WATSON *Prælection. Anatom.*  
Lib. XVII. ubi plurima exhibet exempla.

(*i*) Vid. III, HALL. *Element. Tom. S*

effabilis sentitur. Oculi efferati sunt. Riget, horrescit, pallescit corpus, & quasi immobilis fit miserimus Homo. — His accedunt sœpe summa Animæ & Corporis agitatio, quæremoniæ, pectoris plangor, manuum complosio, lacrimarum copiosissimum profluvium, singultus. Nunc oculi rubescunt. Calet facies & pectus. Dolet caput. Satietas quasi usque ad nauseæ speciem in stomacho sentitur, & appetitus prostratur. Pulsus mollior, plenior fit. Calor per totum corpus extenditur, & sudor sœpe prorumpit. Hæc magnam lassitudinem & languorem somnolentiamque relinquunt. Mæroris causa remanens, & vim suam exserens, attentionem luctuosi continuo occupat. Tristitia pertinax devenit, & homini quasi naturalis. Mœstus Animi tamen quadam amœnitate gaudet, & torpor non injucundus totam compagem pervadit. Consortium hominum fugit Dolens. Hilaritatem spernit. Solitudinem quærit, & amat. Contemplatione malorum se se perversè delestat. Somnus denique perturbatur. Cibi aversio augetur. Vires gradatim franguntur: debilitatis corde & vasorum, pulsus languet, tardior, minor, debilior fit. Circulatio lenta per pulmones, & muscularum respirationis hebetudo, anxietatem in pectore creant. Hæc per suspiria intervallis repetita mitigatur.

Primi stadii symptomata iis, quæ summum pavorem excitant, tam arête assimilantur, ut nova expositione non egeant. — In secundo stadium vis vitalis magnopere agitatur. Vasa per totum corpus fortiter agunt. Et quod in febre intermittente accidit, aucta & libera vasorum actio, primo insultui torporem inducenti, succedit. Glandulæ lachrimales, quarum vasa mox perstringebantur, nunc quasi vinculis exsoluta, ad fluidi secretionem stimulantur. Nauseæ sensus, stomachi agitationi per singultus repetitos, pro parte attribui possit, & pro parte Pathematis naturæ, quod nervos stomachi tali modo obtundit, ut neutiquam ad famem, sed potius ad nauseam, excitentur. — Tertium stadium ad illa nociva pertinet, quæ sœpe repetita vires corporis frangunt: atoniam vel partium solidarum laxiorem compagem inducunt. Sive hoc fiat per potentiae nervosæ ultra modum excitantia, aut supprimentia; vel ex sua natura debilitantia (k).

Symptoma primi stadii ad eadem mala disponit, ad quæ metus & pavor, de cuius naturæ tam largè participat. Secundum stadium ad morbos inflammatorios proclive reddit corpus. Diurna tristitia, tertii stadii symptomata inducens, necessario corpus disponit ad mala, quæ ab hoc fonte profluunt. Atonia, vel fibrarum laxitas, hydropem infert. Animi at-

(k) Vid. Pars prim. §. 18.

attentio acerba ad objecta tristissima, vires cerebri destruit, omnes alias ideas abigit, in melancholiam vel fatuitatem terminat. Viscerum debilitas, cruditates in primis viis, fatus, sensus ponderis, morbos hypochondriacos, hystericos gignit. Torpor & languor universalis aliquando in lethargum, catalepsin, epilepsiam &c. abiit. Viribus debilitatis, miasmata omnium generum, frigusque & humiditas potestatem summam in corpus exserunt, & morbos inde ortos funestissimos reddunt.

Primus mæroris insultus salutaris fieri poterit, ubi valet metus. Agitatio sequens ad concretiones incipientes dissolvendas inservit; Insultum epilepticum abigit. Sed quodcunque languorem illum diuturnum inducit, & nativum firmarum partium vigorem gradatim destruit, malis fœcundissimum est, & nunquam prodesse poterit.

QUAMVIS animi attentio ad aliquam rem non possit legitime pathema vocari, tamen separatim agere videtur, & hinc distincta contemplari meretur.

Quodcunque animum fortiter occupat, sive tedium, sive voluptatem cieat, corpus pro tempore insensibile reddit ad ea, quæ alioquin effectus suos produxissent. Observatio v. g. argenti signati perattenta febris intermittentis accessum fecellit. Insultus epilepticos abigit sulphuris baculus in manu detenus, donec per calorem manus dissilierit (*l*). Attamen animi applicatio minus pertinax & diurna, quamvis ad studia delectabilia, vires corporis gradatim destruit, languorem, lassitudinem, torporem summum inducit, appetitum delet, pri- mas vias debilitat, & ad morbos inde ortos proclive reddit corpus (*m*).

Primus producitur effectus, ut appareat, per insensibilitatem illam, qua nervi contra impressiones solitas muniti sunt. Sed per talem applicationem assiduam & diurnam, ad unum idemque objectum, non improbabile est, quod reliquæ corporis partes, vi illa nervosa, quæ compagem erigit roboratque, & ad functiones suas exercendas idoneam reddit, preventur, potentiam hujus nervosæ nimia in cerebro ipso consumptione. His adjungere possumus, quod stomachi nervi, vel debilitentur, & sic appetitus stimulo non excitentur, vel animus ad ideam hanc non attendat, inde corpus nutritione fraudetur. Ab exercitiis porro, ad corporis robur tam necessariis, abstinet studiosus. Omnia hæc in unum conspirant ad vires frangendas, & morbos inde provenientes inducendos (*n*).

Pathemata supra delineata characteribus semet ipsis propriis gaudent.

Aliæ

(*l*) Clar. WHYTT *on nervous disorders.*  
Caput de Exercitat. Ment. immob.

(*m*) Clar. GAUB. *Institutiones Pathol. ad*

*Ibid.*

Aliæ dantur affectiones, quas *compositas* vocare liceat, & ex quarum combinatione nouæ mutationes pròducuntur.

*Odium, iracundia inveterata* scilicet, & *invidia, iræ noxis* conjungunt mala ab animi nimia applicatione orta. Per procellas equidem & perturbationes, quæ ultionem minantur, sese non manifestant, sed potius internas & occultas excitant commotiones. Animus signa externa cautè suppressit, venenum tamen profunde operatur. In initio celeritatem circulationis promovent hæc pathemata, & vasa ad frequentiores potius, quam fortiores carent contractiones, & ad instar materiæ purulentæ in corpore, irritant, calefaciunt, sitim, siccitatem inducunt, & febres hecticæ brevi vires depascunt; donec tandem palam adparent animi angoris signa, pallidus nempe vultus, insomnium, tabes &c.

*Sollicitudo diuturna*, simili modo, & *animi anxietas* sunt quasi metus & iracundia pertinaces, & animus non solum corpus suum lædit nimia attentione, sed attentio hæc in objecta figitur, quæ affectiones excitant ad corporis sanitatem funestas. Duo itaque conspirant causæ ad robur systematis destruendum, & febres hecticas, nervosas, chronicas, inducendas.

*Misericordia* est tristitia cum benevolentia complicata, & de earum natura participat.

*Desperatio* est conjuratio quasi omnium pathematum vehementissimum contra animi & corporis pacem & salutem. Terror pertinax, & metus sine ullo spei levamine, mœror, iracundia contra se ipsum, miserrimani reddunt vitam, & optatam accelerant mortem.

Tædium L. B. movere nolo, has affectiones distinctè & verbosius explicando. Sufficiat mihi illas ante oculos posuisse. Facile ex Pathematum constituentium actione, modum agendi colligere quilibet potest.

ETIAMSI hactenus phænomena animi pathematum disputando, nec mihi, nec aliis satisfecisse videar: tamen ex illis descriptionibus, quas dare conatus sum, cuilibet patebit analogia arctissima mutationes inter ab animo productas, & illas ab omnibus aliis causis ortas: & quomodo fiat, ut tanti momenti sint ad morbos inducendos, vel sanandos. Omnia enim similes observant leges. Diversa corporis nempe organa excitant, deprimunt, roborant, debilitant. Omnia hos producunt effectus, per irregularis impetus excitationem in nervos, qua nunc vasa ad micationes crebriores stimulantur, nunc constringuntur, musculi modo agitantur, modo rigescunt. Omnia per nimiam energiam denique atoniam & debilitatem inferunt. Differentia in hoc solum constat, in uno casu stimulus extraneus in corpus agit; in altero animus ipse nervos suos variis modis afficit. — Corpora diversa quamvis varias & oppositas communicant sensationes, respectu medicinæ tamen saepe similem in nervos.

nervos exserunt efficaciam. Sic pathemata quæ, nunc tædium, nunc voluptatem comitantur, tamen ad eandem indicationem tendere possunt. Aliqua medicamenta generali, *topicam* adjungunt determinationem. Pudor simili modo faciem præcipue occupat: gaudium & mœror glandulas lachrymales stimulant: metus corrugat cutem: cupido genitalia petit & sic porro. — Non naturalia denique, alios producunt effectos, in corporibus nimia sensibilitate & irritabilitate instructis, quam in robustioribus. Sic omnia animi pathemata, vel voluptate, vel tædio concita, spiritus vitales nimis perturbando, morbos hystericos, catalepsin, epilepsiam producunt (†).

Congruentia hæc operationes animi inter & omnia illa, quæ corpus bene vel male afficiunt, plane indicat unam & eandem dari mutationum causam. Causa hæc non potest in diversa fluidorum indole locum habere, propter rationes supra traditas (o). Et absurdum esset porro credere omnem animi affectum, naturam & indolem fluidorum per totum corpus, iætu oculi, primo mutare, & inde effecta sua in solidos exserere; & iterum, animo pacato fluida suam indolem denuo resumere. Neque locum habet causa hæc in solidis per aliquam legem mechanicam, aut physicam, ut multa docent (p). Nil itaque remanet nisi systematis sensibilitas, & irritabilitas, quibus diversis stimulis, diversis modis, respondet. At si irritabilitas a sensibilitate pendet, tunc omnia ad sensationis quamdam speciem reducuntur (q). Et parum refert, utrum hoc principium sentiendi ad animum ipsum pertineat, & ejus quasi facultas sit,

(o) Vid. Pars prim. pag. 10. §. 23. (v) (p) Vid. Pars prim. pag. 3. (q) Vid. Pars prim. §. 3.

(†) Quotiescumque, ab aliqua causa externa, Corpus mutationes subit, iis similes, quas produxisset animi Pathema, tali Pathemati, pro illo tempore, proclivis fit Animus, Quodcumque e. g. vim vitæ ad vegetam & amœnam actionem excitat, affectionibus jucundioribus favet. Juventus hinc, temperamentum floridum, delicatore corporis fabicia & Nervorum sensibilitate instructum, tempus vernale, &c. amœnam sensationem nervis impertinet, quæ Animum disponit ad lætitiam, hilaritatem, voluptatem, amorem. Stimulus quivis fortior vim vitæ violentius excitans, sive a temperamento calidiori, æstu, vini compotatione, proveniat, ad fortitudinem, amorem, libidinem, iram, proclivem reddit animum; prout operationis gradus & rerum conditio, huic vel illi affectioni faveant. — Quodcumque nimis irritat, & sensationem incommodi infert, ut dolor, nimius calor, lassitudo, vigiliæ protractæ, famæ (\*), morosum, protervum, iracundum reddit hominem. E contrario, illa quæ vires corporis depriment, & valde debilitant, ad pathemata disponunt, quæ hæc mala producunt, ad metum scilicet, anxietatem animi, melancholiæ. Hujus naturæ sunt temperamentum melancholicum, cibus crudus difficilis digestu, evacuationes immodecæ, morbi protracti, febres nervæ, scorbuticæ, putridæ. Hæc, ut mihi videtur, clarè demonstrant, quod omnia nervorum diversas affectiones pro causa agnoscant.

(\*) Optime observavit lepidus quidam si horâ ante prandium gratiam ab aliquo petiit, repudiatus abiit; si post prandium, semper gratosissimè receptus fuit, & sæpe votum obtinuit.

fit, an ad intermedium aliquod, ope cuius Animus & Corpus in se mutuo agunt. Neque magis incongruum videtur, sensationem ipsam per ullaes leges physicas explicare, quam illas mutationes, quæ in corpore vivo & sentiente oriuntur.

Quomodo Animus has efficiat mutationes ignoratur. Ignoratur quomodo opia universalem inducant soporem: unde fiat, ut stimuli varii sensationes diversas in corpus impriment, & medicamentum hic applicatum partes longè distantes afficiat. In utroque casu *funilis* datur obscuritas. Liquidum est tamen, quod in natura humana insit instinctus quidam, quo multa in usum systematis perficiuntur, quæ nullo modo a voluntate & intelligentia Animi pendent. Per hunc infans recens natus, thoracem dilatare eruditur, aërem novo vitae generi tam necessarium in pulmones recipere (*r*): vel „indoctus puer materno uberi ad„, motus paratum sibi lac statim & expeditim fugit, deglutitque” (*s*). Homini appetenti visus, vel imaginatio cibi glandulas oris stimulat ad requisita secernenda fluida. Alicujus rei odiosæ fastidium nauseam & vomitum creat (*t*). Sic pathemata hæc, quadam lege inviolata, tales mutationes in corpore suo inducunt. Et quamvis in Animi potestate sit aliquando commotiones cohibere, tamen effrænato pathemate non valet Animus effectus mutare.

Operæ prætium erit itaque explorare, qua ratione voluit summus rerum Arbiter, ut Animi pathemata tales determinatos semper producent effectus, quare e. g. ira nunquam easdem mutationes gignat, quas mœror, & spes toto cœlo a metu distet. Argumentum novum & elegantissimum est. Proferam quæ mihi de hoc verisimillima videntur.

QUEMADMODUM Corpus nostrum admodum sensibile ad omnia circumquaque mirifice adaptatur, unde mutationibus variis subest: sic homo secundum respectum moralem, in quo cum aliis hominibus versatur, & secundum leges hujus societatis, ad contingentia varia, cum mala tum bona, subiectus est. Hæc diversis modis animum afficiunt, & per animum, *corpus*. Sed observare possumus congruentiam quamdam, & conpirationem naturam pathematis inter, & vim illam, quam exserit in sistema. Corpus, dico, per pathema ipsum in eundem disponitur statum, qui cum affectionis indole & natura optimè convenit. — SPE Se. g. omnium saluberrima est, quia maxime diurna. Hæc affectio vitae longæ comes individua, & naturæ nostræ optima est dos: fæpissime unicum præbet antidotum contra multa mala quibus pessum-dantur mortales. Cum summa sapientia constituitur itaque, ut quod præ-

(*r*) Serm. Acad.

(*s*) Ibid.

(*t*) Clar. WAYTT *Sympathy of the nerves.*

præcipuum *animo* adminiculum suppeditat, ad corporis optimam sanitatem conduceat. Si porro minimum incommodum in sistema introduceret, perpetuo agens, sicut venenum lentius, denique vires corporis & animi corroderet, destrueretque. — GAUDIUM est pathema solum occasionale, actuosius igitur sine detimento vigere potest. Gaudium vires animi ad instar cardiaci ultra limites ordinarios excitat. Quotidiano itaque usu noceret. Sed debitis intervallis repetitum amœnam & jucundam reddit vitam: Gaudii interpositiones tales, quasi stationes sunt, ubi novum spei commeatum, ut sic dicam, pro itinere colligimus. Signa externa lætitiae animi dantur, ut adstantes etiam per illam sympathiam, qua fruimur innatam, de his deliciis participant. — FORTITUDO cum periculis versatur, corpus itaque roboratur per pathema ipsum, ut discrimini par sit, illudque superet. — AMOR inter sexum diversum ad fruitionem allicit, & corpus ad fruitionem optime disponit, sensibilitas nervorum per totum systema valde adaugetur. Tactus levior etiam accedit. In faciem & oculos inscribuntur notæ, quas invicem legunt amati, & quæ ardorem adfectuum excitant. Organa ad procreationem adaptata altiorem sensibilitatis gradum acquirunt. Post coitum languent omnia, & fastidium quasi gignitur, ne ad nimium veneris cultum alliceatur homo. — PUDOR. Aliquando hæc affectio cum metu conjungitur, & per animum culpæ consciūm excitatur. In hoc casu talis confusio, & signa culpæ adstantibus conspicua exhibet, & eodem tempore misericordiam eorum quasi sollicitat. Aliquando summam honoris sensibilitatem annotat pudor, cum diffidentia in semetipsum. Virtutum conjunctio hæc maxime laudanda, quæ indulgentiam ab omnibus quam optime meretur. Os itaque rubore suffusum, & oculi in terram dejecti, indulgentiam hanc ab aliis poscunt: & ad illam efficaciter disponunt. Sicut hoc pathema nullum habet finem, nisi animi statum aliis conspicuum reddendi, nec roboret, nec debilitat naturæ vires, sed impetum ejus præcipue in vultu effundit, ut omnibus manifestius adpareat. — IRA ad injurias vindicandas animum excitat: & animus quodam instinctu arma corpori suppeditat. Robur valde augetur. Ad ultionem elevator & roboratur lacertus, oculi ignei, os vultuosum minitansque ad summum terrorem delinquenti incutiendum conspirant. — TERROR corpus statim disponit ad malum improvisum repellendum; & commotionibus illis vehementissimis a discrimine se ipsum liberandi. — METUS mala futura præsagit. Corpus tamen mala fugere impedit, & ligatis quasi musculis, debilitatis viribus, præda facilior discrimini minanti meticulosus redditur. Hoc primo oculi ictu valde incongruum adparet. Sed mihi videtur, quod metus in genere humano, quando tantam imbecillitatem inducit, semper cum quadam delicti conscientia conjugatur. Hanc conjecturam confirmant multa. Homo innocens mi-

nasspernit; periculis horrendis, morti ipsi, cum tranquillitate obviamit, si prudentia & officium exigunt. *Reatus ad conspectum, vel imaginationem punitionis plerumque animo defecit: & ob metum mortis semimortuus fit.* Nec dubito, quin si muneri suo rite satisfaceret homo, ut extra culpam esset, etiam metu careret. Depressio hæc exquisita igitur initium pœnæ foret, & culpabilem ad supplicia merita facilius tradederet. Et forsan animi abjectio & aspectus pertristes Pavidi ad Justitiae asperitatem mitigandam, & inter pœnas misericordiam & clementiam animo Violati injiciendas, tam vivide in facie pinguntur. — MOE. ROR ex rebus adversis profluit, & hæc sære ab animo præcipite, saltem ad summam temeritatem proclivis esset homo, nisi tristitia, quasi vi sedativa, mentis levitatem corrigeret. Hoc pathema itaque, post primum ejus insultum, placidum reddit spiritum & corpus: solitudinis amorem inspirat, animum emollit, ad sapientiæ instructiones recipiendas. Res adversæ itaque corpus & animum ita disponunt, ut per monita illa salutaria, quæ secum ferunt, proficiant mortales.

*Odium, invidia, animi anxietas, desperatio* pro maxima parte illegitima sunt: nullam utilitatem habent: nequitia mercedes sunt, vel nequitia ipsa: Flagellum criminis itaque in suo proprio corpore sagaciter constituuntur.

DENIQUE effectus, quos producunt animi pathemata in corpus, testimonium non suspiciendum præbent, hominem ad virtutem & numinis cultum destinari. Virtus amicitiam & benevolentiam gignit; odium, invidiam, iram immodicam vetat. Ihanis religionis metus ad melancholiæ, & mala corporea inde sequentia condūcit. Sed vera religio, & numinis summa reverentia spei favet & Gaudio; metum tollit & desperationem: tristitiam consolatur. Verbo, excessus nocivos undique prohibet; & indulgentiam moderatam affectionum salutarium concedit. Hinc clare liquet, si ulla congruentia datur inter corpus nostrum, & illa quæ corpori salutaria sunt, quod virtus & pietas homini naturales, & saluberrimæ sint, & felicem longævitatem promittant.

EX diës liquet, maximi momenti esse, ut medicus in morbis ad Animi statum respiciat, & per methodos aptas illud pathema cieat, quod curationi favet. De methodo pathemata, & morbos ex eorum excessu ortos, tractandi, nihil adjiciam. Hæc enim cuilibet contemplanti sponte patent: & limites talis dissertationis vetant verbosiorum hujus argumenti dare expositionem.

SI forte tractando hoc argumentum, ob mentis & corporis naturam interiorem omnino abstrusam, non omnia ad liquidum deducere potuerim,

rim, & si magnis forte ausis exciderim: solatio tamen mihi erit: in magnis voluisse, sat est.

*Nam neque chorda sonum reddit', quem vult manus & mens,  
Poscentique gravem, persæpe remittit acutum.*

Horat. de Arte poëtica.

F I N I S.

